




Euangeli?[m] von den zehen pfunden Matthei. am xxv.

<https://hdl.handle.net/1874/431268>



Euangelium
 von den zehen
 pfunden Matthei. am
 xv. mit schöner
 chrißlicher vß-
 legung

Michael Sty-
 fels von
 Eißlingen.

acht //

Wolffgang Stuber

SDem edlen vnd eerenuesten Hartmüt von
Cronberck/meinem günstigen iunck-
herren vnd brüder in Christo.

Mein noch gültig gebett vnnnd willig gehorsam alle zejt
zūuor. Veruester günstiger iuckher/ewerē befelch mein-
er predig halb/gethon in gegewertigkeit ewer eereueste/
hab ich volbracht von den gnadē gottes/vnd hab sye be-
schriben noch meinē besten vermōgen .vnd beger yetzūd
als ein willig gehorsamer/ in disem meinē anzeigen ewer
eerenueste zūthūn ein gefallen. Ich dāck gott meinē herrē
d mich hat gesandt zū findē ein soliche oberkeit die mich
nit sūcht zū hinderen in verkündung göttlicher worheit
(als ich hyeuor gehabt hab)sunder mich in göttlicher ge-
schriffte noch aller nordurfft übt vnd fūrdert. Im sey lob
vnd eer von allen geschöpfften yemer vñ ewigklich. dan
er laßt mich sehē/wie er in gantz vnachtbaren geschwirllit
wöll fürtragē d welt/die vergrabē glory seiner göttlichē
gnad/dz sich vor jm nit erhebe in hochmüt die vermessen-
heit des mēschlichē hertzens . vnd wie er jm erweel new-
bischoff (derē auch ir einer seind/das ir ye nit löugnē sol-
len. *Doc honore dignus est quēcunqz voluerit deus hono-
rare*) denē der böß faul knecht lassen müßz das pfundt d
geschufft gotts/wie vngern er dz thūt. Darinitt also kūd
gethon werd d welt/ wie dz ampt der knecht gotts nit be-
steē i dē schein vñ nāmē/sund (als vns anzōigt dise gleich-
nuß yetzūd fürgenūmē) in d gūtheit vñ getrewheit brüd-
licher besserūg. In welcher vns gott bestātigen wöll in
ynbrünstikeit seiner göttlichē lieb big in vnser end Amē.
Es geschlech also noch seinē göttlichen willen. Begebē
am tag der geburt der hochgelobten iunckfrawē Marie
der mäter gottes/im iar. *M. D. xvij.*

Ewer vndertheniger

Michael Stiffel Esslinger.

S
Das Euangelium von den 2.
zehen pfunden Matthei. xxv.

In der zeyt sprach Jesus zū seinē iüngerē. Ein mēsch wolt hyngēen wallen/der berüfft seine knecht/vnnd übergab inen seine güter. Vnnd einem gab er fünff pfund /vnd einē zwey pfund /vnd einem ein pfund /einē yegklichen noch seinem vermōgen. vnd ist als bald hyngezogen. Do ist hyngegangen der entpfangen hatt fünff pfund/vnd hat darmit gewunnē fünff and pfund. Dess gleichen der do hett entpfangen zwey pfund/der hat dar über gewonnen zwey ander pfund. Aber der do hett entpfangē ein pfund /der gieng hyn vnd vergrüb es in das erdrich /vnd verbarg das gelt seines herren. Vnd noch langer zeyt kam der herr dieser knecht/vnd befaß mitt inē ein rechnūg. Do gieng hynzū der entpfangen hett fünff pfund/vnd bracht fünff ander pfund /vnd sprach. Herr du hast mir übergebē funff pfund. Nym war ich hab gewonnen funff ander pfund. Do sprach zū im sein herr. Ey du güter vnnd getrewer knecht/so du getrew gewesen bist in wenigem /so will ich dich setzen über vil. gāg eyn in die frōid deines herrē. Do gieng auch hynzū d̄ do hett entpfangē zwey pfund/vñ sprach. Herr/du hast mir übergeben zwey pfund. Nym war ich hab gewonnen zwey ander pfund. Do sprach zū im sein herr. Ey du güter vnnd getrewer knecht. so du getrew gewesen bist in wenigē/so will ich dich setzen über vil. Gang eyn in die frōid deines herrē. Do gieng auch hynzū der entpfangē het ein pfund/vnd sprach. Herr ich wüßt das du bist ein hart mensch. du schneidst do du nit hast gesät/vnnd samlest do du nit hast hyngeworffen. darūmb forcht ich mit. vnd bin hyngegangē vnd hab vergraben dein pfund in

die erden. **N**ym war hye hast du das dein ist. **D**o antwurt
jm sein hertz vnd sprach. **D**u bößer vnd fauler knecht/
hastu gewist das ich schneid do ich nit hab gesät /vnd
sammel do ich nit hab hyngeworffen/warüb hastu mein
gelt nit übergeben den wechßlerē/so hett ich yetzund ent
pfangē das mein/so ich kumen bin/ mitt wücher. **N**emēt
von jm das pfund/vnd gebend es dem der zehen pfund
hatt. **D**aß einē yegliche der do hat/dem würt gegeben/
vnd er würt überflüssig haben. **A**ber der do nit hatt/dē
würt genūmē auch dz er gehabt hat nach won. **V**nd den
vnnütze knecht den werffen hynuß in die üßseren finster
nuß/do würt sein weynē vnd zanklassen.

Wszlegung dīß Euāgeliums

Die erfarnuß gibt vns verstētnuß /vnd die erfül
lung d̄ prophetzey bringt mitt ir die v̄flegūg.
Daß was ist dise gleichniß anderst daß ein pro
phetzey oder weyßsagūg Christi von dreyē vnd
schidliche ständen der kirchen die sye hatt gehabt yetzūd
in vergāgnen zeyten/nach gleichnuß des alters in einem
menschē/in welichē er zūnimpt/still steet /vnd abnimpt:
Der iugent oder dem alter eines menschen so er zūnimpt
würt vergleicht (bey dem ersten knecht) die anfänglich
kirch zū der zeyt der apostelen vnd marterer. daß do hatt
größlich gewachsen die kirch /als ein kind ī seiner iugēt.
vnd hatt zūgenūmen zū gleicherweyß als die kinder von
Israel/weliche so vil mer würdēt gemeert/so vil meer sye
würdent vndergetruckt vnd gepeyniget. **D**o hat gearbei
tet der erst knecht wider den teufel vnd sein reich als wi
der einen wütenden lewen. **D**em stillsteeenden alter würt
vergleicht die kirch zū der zeyt/als die grymmig vñ wüte
risch verfolgūg der heydē hett abgelassen von der kirchē:

3.

vnd do hatt gearbeitet der ander knecht wider den teufel
vnd sein reich/als wider einē tückischen drachē. **A**ber dē
schwachen abnemēden alter würt vergleicht die kirch zū
der zeyt als dz geistlich regimēt der seele in den Bishöff
en ist verwandelt worden in einē weltlichen pracht/vnd
welichē das eynig pfund göttlicher gschrift/noch warer
verstentnuß ist hyngenūmen worden vnd vergraben. als
wir sehen wöllen hernach in der vßlegung diser fūrge
nūmener gleichnuß.

Ein mensch wolt hyngeen wallen.

Dißes wallen geen Christi müßz verstandē werden al
so/das nit werd verleügnēt sein verheißung **M**atth. am
letsten. **N**empt war/ich bin bey euch alle zeyt/bitz zū dem
end der welt. **D**arüb ist dißes wallen geen nichts and^{er}
dañ ein enthaltūg/in dē er sich verbürgt dē entpfindlich
en vrtail/gleich als ob in die kirch nichts angieng. **D**as
ist/er sycht durch die finger. **D**añ also geet es zū in einem
hauß eines wallenden herren. **H**altend seine knecht wol
hauß/so laßt ers geschēhē. haltend sye übel hauß/so laßt
ers aber geschehen/bitz er heym kumpt.

Der berüfft seine knecht.

Gott berüfft seine knecht vff zweyerley weys. **E**twan
durch weelüg der menschen /als **M**atthiä Actū. j. **D**ñ
etwan berüfft er sye on alles mittel der mēschen .als er be
rüfft hat gar nach alle prophete. **V**nd ein solichs berüff
en müßen auch wir yetzund geltē lassen/das wir nit über
sehen vnserē **M**eliā/als die juden iren **M**essiā. **A**ber also
ist geblendet die welt/das sye falt von solicher berüffung
gottes (die er so mit klarer anzeigūg bestetiget/in verluhe
ner verstentnuß seiner gantzen geschrift/so mit wunder
barlichē überfluff an dem Luther) von wegē mēschlich
er berüffung/wider gottes ordnung. in welcher weder

heyligkeit würt angesehen/ noch kunst /sünd allein pracht
vnd gunst/meer zū verwüstung/dañ zū besserung der kirch
en gotts. meer zū dem dienst des teufels/dañ zū dē dienst
Christi. Ich geschweig deren /die weder von gott /noch
von den mēschen berufft/selbs yntringen. Welche Chri-
stus Joānis. v. nēnet dieb vnd mörder. so weit ist es vō
der warheit das sye seyen knecht gotts /das wir sye schul-
dig seyen zū hören vnd jnen zefolgen. Dye ist grosse not/
das wir zūherzen fassen die getrew warnung sanct Johā-
sen. j. Joan. iij. Ir lieben kindlin /ir sollent euch nit lassen
betriegē. dan̄ diser ist gerecht der do würeckt die gerecht-
igkeit. Vnd der do würeckt die sünd/ d̄ ist vß dē teufel. Die
Papisten fragen von dē Luther (als die juden fragte von
Christo) wer im gegebē hab gewalt also zeleerē wider dē
Bapst: Aber der Luther geschweygt ir frag (als Christus
die frag der judē) mit einer anderen frag. Er fragt /wer
jnē hab gewalt gebē die gschrift zū verkeren: Dye wart
en wir ir antwort.

S Vnd übergab jnen seine güter.

Die Pfaffen nēnen ir zeytliche hab/ geistliche güter vñ
das ertheil des gekrönigten. Vß welichē wir mercken sol-
len /was ertheils sye haben in Christo. Sye haben auch
ein recht/ das jnen gemacht hat ir künig der Bapst/ das
do vol ist solicher geistlicher ding. darumb es nit vnbil-
lich geneht würt dz geistlich recht. dan̄ der teufel ist auch
ein geist/vnd sein ding ist auch geistlich. In dem selbigē
geistlichē recht/ findt man von der freyheit diser geistlich-
en mēschen/ in deren sye vnstrefflich sünden mögen. Dan̄
ob schon ir künig der Bapst/ mit huffen zūschickte dē teu-
fel die seelen der gläubigē/ so soll man in dānocht nit dar-
umb straffen. Dann das geistlich recht weyßt vß/ wie es
wider gott were /das die heyligkeit des Antichrists so vn-

Christi et Antichristi antithesis?

erlich gehalten würd. Darüb wer es vil besser/ das man
all seelen ließ verdampft werden/ dan das man die heylig=
keit des statthalters Christi solt erzürnē / vnd in hinderē
in seinē mütwillen/ in welichē er regiert nach 8 weyffaga
ung Danielis. Et ad sensum suū erit. Auch findt man in Dan. r. 8
dem selbigen geistlichē recht/ von irē geistlichen gewalt/
vnd nemlich von dē gewalt ives künigs/ in welichē er er
höcht würd biz zū dē fürsten der stercke. als Daniel hatt
geweyssagt von dem Antchrist. Dan dises geistlich recht
weyßt vß / wie 8 Bapst hab vff erd die gerechtsame des
irdischē vnd himelischē gebiets. Da hatt er macht zū ge
bierē den engelen/ die seelen zū füren vß dē segfeur in den
himmel. weliche seelē er auch verkaufft vß dem segfeur vff
seinē geistlichen kauffmarckt. Vnd in müßz man bekē
nen (als einen statthalter Christi / der Christū vertragen
hatt vß seiner statt mēschlicher hertzen) einen herren 8 ge
nad vnd des ablaß. Weist das nit erfüllt die weyffagüg
Danielis/ so er spricht vō dē Antchrist/ das er werd groß
gemacht biz zū der stercke des fürsten des himels: Weist
das nit der verlust den wir sehē sollen steen (als Christus
spricht/ so er vns weyßt vff die weyffagüg des antchristis
von Daniele beschriben/ vnd heyst vns dz wirs versteen
sollen) an 8 heyligen statt der kirchen Christi: Ist das nit
das zweyhörnig thier Apo. viij. das seine zwey horn des
zweifaltigen gewalts erzeigt/ gleich als ob es weren horn
des lēlins/ gleich als ob jm Christus solichē gewalt hett
befolhen: Aber wañ die menschē nit also weren überredt
wordē von dem weltlichen vnd geistlichen schwert des
Bapsts/ wie solt dan erfüllt wordē sein diser spruch Da
nelis vom Antchrist. Et prosperabitur dolus in manu
eius. Sein betrug würd glücklich fürbringen vnder seinē
gewalt: Aber Paulus zeigt an. ij. Thessa. ij. das er nit ab

lein Christo gleych angezeigt werd / sund über in erhebt
Vnd wie das sey / findt man auch in diesem geistlichem
recht beschribē. In welichē er will / das die vßlegüg der
geschriffte on irüg allein sein sey. vnd also macht er vß d
geschriffte was er will / dan er wendt sye wo hyn er will.
Vnd also würt das recht vnrecht / vñ das vnrecht würt
recht. Dan das ist nit vnrecht nach dem geistlichē recht /
das die geschriffte fürhelt für vnrecht / sund das d Bapst
in seiner vßlegung erkent für vnrecht. Vnd also wani er
schon vmb gele verkaufft alle gerechtigkeit gottes / so ist
es dānocht nit sünd. dan der Bapst hats noch nit erkent
für sünd. Wye sychstu was die Papisten für ein grūd hab
en / so sye sprechen / der Bapst mög nit sündē. Weyßt nūn
das nit sein über Christū oder meynstu das etwar in der
warheit sein werd über Christū: Christus hat vff erdē ge
lebt vnder der geschriffte. dan die geschriffte hatt er nitt ge
wendt noch seinem willen / sunder seinē willen hat er ge
wendt noch der geschriffte / also das er ir ist gehorsam ge
wesen. Aber die weil d Bapst ist über die gschriffte / so ver
bindt sye in nitt / er bedarff ir nit gehorsam sein. Vnd dar
umb so er schon thüt alles das vom Antchrist geschribē
ist / so ist er dannocht der aller heyligst vatter in Christo.
Über lieben menschen / laßt vns Christū nit machen von
des Bapsts wegen zū einē bößwicht / dē die schalckstück
des Bapsts nit solten mißfallē. Christo mißfalt alle böß
heit. vnd vns müßz sye auch mißfallen / vnd müssen dar
wider bellen als gewewe hund seines huff. Über das bel
len hören gar vngern die dieb. Wye ist der teufel ein mal
frum wordē / vñ hasset vast übel die vffrär des Luthers /
vnd das er dem heyligen Bapst / vñ den heyligen Bisch
öffen so übel redt. vnd bedüct in / man solt ee die menschen
vmb frids willen verdampt werdē lassen. Also hat er

S auch seine botten die den fridē verkünden/ vnd sprechen.
Nō est hic homo a deo/ qui sabbatū nō custodit. Der Lu-
ther kan nit von gott sein/ & so vil vnfrides machet. Man
solt von solichen dingen nit öffentlich reden / vmb frides
willen. Es machet auch vil vnfrides dem gewissen. We-
ren doch alle menschen so ein lange zeyt verloren wordē.
Lieber mensch/ was ist der frid den diße mēschen sūch-
en: Christus spricht. Ich bin nit kōmen den friden zū sen-
den/sonder das schwert. Wañ die Apostel nit vffrūr het-
ten wōllen machē mit dem wort gottes/wañ /oder wo/
wie oder was meynstu das sye geprediget hetten: Das
wort gottes ist sampt dem waren glauben vmbgeworff/
en vnd hyngenōmen. Wie müßz man jm anders helfen/
dañ mit öffentlichem predigē: Oder sol man es ligen las-
sen: Sol man die wōlff reissen lassen: Sol man Christū
übergeben/od den Antchrist: Auch welichet vor vns ver-
dampt sey /oder wie vil/ das wōllen wir Gott befehlen.
Wir mügen aber wol gedenccken /das vmb einer kleinen
verderbnis willen der Antchrist nitt genennet würt von
Christo/der vnlust der verderbnis. vñ von Paulo ein sūn-
der verderbnis. O wee der vnzalberlichē zal der verderbt
en seelē. Es ist nit möglich dem Türcken zū thūn solichē
schaden vnder den christen / als das Bapsthūm gethon
hat. Dañ der Türck ist nur ein leipliche rūt der glaubig/
en /vor welichen der glaub des hertzens wol frey bleibt.
Aber dißz erōffnet reych des Antchrissts/greiff an das le-
ben der seelen das sye haben in Christo durch den glaub
en. Nu/die pfaffen sagen von iren gūteren / von irem ge-
walt/von irer freyheit was sye wōllē/so soltu wissen/das
Christus mit zeytlichen gūteren gantz nichts hat wōllen
zū schaffen haben.also/das er auch nichts wolt erkennen
über ein erbt Eyl von einem iüngling gebettē. Er sprach

lū was ein new vnerhört ding / vor d' welt verachtlich /
auch von verachtlichen mēschen geprediget / an welchen
nichts zū erlangen war noch der welt beduncken / daß al-
lein vnglück der güter vnd des leibs. so was not / das es
geziert würd mit maiestat göttlicher wūderzeychē / zū vff-
richtig der glaubwürdigkeit des künfftigen lebens.

3. **D**as dritt pfund ist gewesen tugent der ebēbild zū beker-
ung dieser beyden. das ist/ertlicher von den juden / vnd ert-
licher von den heyden. Dann als vnder den juden ertlich
waren die do besorgten eines betrugs vnder der vfliegig
der geschriff von Christo / also waren ertlich vnder den
heyden die do hielten die götlichen zeychen für gespenst
der zauberey. Vnd diesen mēschen was nit anders die sel-
big weil zū helffen / daß mit den scheinēden vnd brennē-
den eyempel ires allerheyligsten lebens / welches sich nit
weyßst zū vermischen mit liegen vnd betriegē. Also leret
Petrus die glaubigen / daß sye einen heyligen wandel für-
ren solten vnder den vnglaubigen / von denen sye gehalten
würde als falsch vnd übelthäter. das also die vnglaub-
bigen / vß den wercken der glaubigen erlernen möchten
wer sye weren. darmit sye zū lest gott lobten an dem tag
irer bekerung.

2. **D**as syerd pfund ist gewesen / vilfaltigkeit der zungen od
sprachen / zū bekerung aller deren menschen welchen die
landsprach der juden zū Hierusalem was vn bekant. Sol-
ten nu die selbigen bekeret werden / so was es ye not das
sye verstünden die sprach der prediger des glaubens.

5. **D**as fünfft pfund ist gewesen prophetzey / oder weiffag-
ung der Apoffelen von den zeyten vnd zeychen des Ant-
chrisste zū bekerig der betroggen mēschen durch das sel-
big reich der verderbnis. das also der vndergāgen glaub
der genad gottes (verwādelt in den glaubē der werck vñ

Antchristlicher gerechtigkeit) widerumb würt vffgericht
in den hertzen der menschen/ noch der weissagung Dani-
elis an dem. viij. capitel. Vnd also seind Petrus vnd Pau-
lus/ Thadeus vnd Joannes gewesen prophetē des heyl-
ligen geists wider die Antchristliche christen. als die pro-
phetē des alten testaments gewesen seind prophetē Chri-
sti Ihesu des söns Gottes wider die verstopfften juden. **D**
Daß es ist künfftig gewesen / das die christen vnder dem
joch des Papsts nit mit minderer verstopffung des ge-
müts widerstreben solten den predigern der guad des heyl-
ligen geists/ daß vorzeytē die üppigen juden widerstreben
ten den predigern vnd gezeügē Christi Ihesu vnseres herr-
ren. **E**xempla diser ding seind die Doctores zū Köln/
zū Paris/ vnd zū Löuen/ welche vor grosser subtiligkeit
irer kunst nit verston kündē/ das die zwelfffjährige kind ver-
ston mügen. Gott verfluch in abgrund der hellen soliche
kunst / die so halbsstarck widerstandt thut so öffentlicher
warheit gottes. **D**aß sye ist kein kunst/ sonder ein scheinē/
de verwüstung waret vnd klarer kunst. als die kunst was
der juden zū Hierusalem / zū welchen die edlen der ganz-
zen welt schickten ire kinder kunst zū lernen. vnwissend/
das sye ytel betriegend falscheit leerten vnder dem schein
der kunst. **D** Löuen Löuen du wütēde hellgrüb/ wie wilt
du dich halten an dem baldkömendē jüngsten tag: **D**an
versteet wol deinen rach wider vnseren Enoch. vmb des
willē/ dz er gezügnis gibt dem büchlin Helie/ wider das
giftig thier Latomū gemacht. Curauimus Babylonē/ et
nō est curata. relinquemus eam. **V**on wegen solicher ver-
stopffter mēschen / ist vns yezund nit weniger not dises
fünfft pfund der apostolischer weissagung/ daß den Apo-
stelen die gezeügnis der propheten von Christo. **D**aß als
klar Christus würt angezeygt in den sprüchen der alten

A.

prophetē/also klar würt auch angezeygt der Antchriſt in den ſprüchen der Apoſtelen. Ich laſſz mir auch nit leichtlich vergleichē das büch Apocalypſis dem fyerden büch Eſdre. Vnd als not den juden geweſt iſt/Chriſtum anzunemē/als not iſt vns das wir nit annemē den Antchriſt. Aber vnſer eröffneter Antchriſt iſt vns nit böß genug zū einem Antchriſt/als den juden Chriſtus nit was güt genug zū einem Meſſia. Das erfüllet werd in dem wüten dem volck de phariſeer (über das kōmen ſol alles gerecht blüt das vergoffen würt bitz zū dem end der welt) die red Chriſti/ Ich bin kōmen in dem nāmen meines vatters. Das iſt. Ich hab nit mein eygne eer geſücht/ſonder die eer meines vatters/vnnd ir habent mich nit angenōmen. Es würt aber kōmen einer in ſeinem nāmen/der ſein eygne eer ſüchen würt/vñ nit die eer gottes/den ſelbigē werden ir annemē. Vnd also wartēt vnſer phariſeer ires Antchriſts/als die judē ires Meſſie/bitz das vns all überfallen würt der jüngſtag.

Vnd einem gab er zwey pfundt.

Zū gleicherweiß als in der anfänglichen kirchen not gewesen ſeind fünff pfund/vß oben ertzelten vrsachen/also ſeind hernach not gewesen vñ auch genug zwey pfund vnder den gläubigen/ſye zū ſtercken im glauben.

1. **D**as erſt pfund iſt gewesen verſtentniß der heyligen geſchriſt von dem geſatz vnd Euangelio/zū vßwurtzung des vnkrauts des euāgeliſchē ackers. das iſt/ß erwachſenden irrung vnd ketzeren in dem glauben.

2. **D**as ander pfund iſt gewesen dz ſcheinbarlich lyecht der ebēbild in den wachendē menschen. das iſt/in den gütē getrewen vñ arbeitēdē Biſchōffen/zū verhütüg aller ergerniß ires thūns vñ laſſens: als gewesen ſeind Athanaſius/Auguſtinus/Chryſoſtomus/vñ andere ires gleichē

S **U**nd einem gab er ein pfund.

Das ist der faul knecht oder der vnütz hauff der herrschen den Bischöff / denen das heylig leben der vorigen Bischöff nit hat wöllen schmacken, darumb sye auch zu dem erstē on das pfund des seligē gütē eyēpels / mit kalte hertzen geprediget habē die geschriffte / vß gewonheit / nit vß liebe. biz das sye auch das predigē haben in jnen ver wandelt in ein weltlichs regieren : das jnen vil bassz ge schmacket hat / dan das predigē. **U**nd so sye seind worden im reich d̄ himel die minsten / so seind sye wordē im reich der welt vnd der hellen die meesten. **D**an sye haben das ampt des predigē übel versorgt / so sye das befolhē habē den fürwitzigē ergründerē der natürlichē ding / vor denē Paulus vns so trewlich gewarnet hat. **A**ber die gschriffte von dem reich des Antichrists hat ye müssen erfüllt werden. **D**ann diese natürliche leerer haben dieses reich vffgericht vnd erbauwē / dieweil sye vnder dem schein vast hoher verstentniß aller ding (noch meynüg der mēschen) on alle widerred yngesetzt haben / vnd geleeret alles das sye hat güt bedaucht.

S **E**inem yegklichen noch seinem vermügen.
Wiewol d̄ faul knecht nichts gūts thūn wolt mit gūten eyemplen oder ebēbilden des lebēs / so ließz doch der herr an jn kōmen das leeren des heyligē christenlichen lebens. wiewol er es hernoch (als gesagt ist) übel hat versehen / mit denē die es vergraben habē in die yrdisch philosophē der heyden. **D**an es seind also vnderschiedlichē die pfund Christi vß geteylt worden noch geschicklichkeit der zeyt vnd der menschen. vnd das heyst die pfund gebē den knechten noch eines yegklichen vermügen. **U**nd also seind gegeben worden in der anfänglichē kirchen sunff pfundt / als oben gesagt ist. **A**ber als das Euangeliū bez

tant ist worden in allen zungē/ do ist das pfund der zungē
 mit mer not gewesen. Darumb hat es auch nachgelassen.
 Also mag ich auch sagē von dem pfund der wüderzeych
 en. Vñ das pfund Apostolischer weissagung/ ist yngelegt
 worden seinē nutz. vnd gewin züschaffen zū den zeyten des
 Antchriſts/ als obē gesagt ist. Vñ also seind bliben noch
 zwey pfūd. dan ir warē genüg/vñ warē auch beyde not.

Vnd ist als bald hyngezogen.

Wir wissen wol wie diße oben erzelte pfund (von gote
 verluhē den Apostelen) seind gewesen. übernatürlich. vñ
 also hat auch die vernunfft mügē vrteylē vß jnen als vß
 göttlichen füsritten gottes gegenwertigkeit. als ob sye
 sprach. Solichs das ich syh an dißen mēschen/ habē sye
 nit von natur. sye seind geleert/vnd habē nie gelernet. sye
 können alle sprachē/ vnd haben nie gewädert ic. so zeygt
 an ir grosse demütigkeit/gedult/liebe/ fridsamkeit vnd d̄
 gleichē/das sye kein gemeynschafft mügen habē mit dem
 teufel/darüb müßz solichs vō gott sein. So nu das seind
 gaben gottes/so ist es gewißz/das gott hye gewesen ist d̄
 jnen solichs hat gegeben. dan sye habens ye gott nitt ge
 stolen. Also magstu nu vß dißen groben wortē mercken/
 was gottes herkömen vñ hyngēen sey/on allen nochteyl
 des spruchs Christi Matthei am letzten. Nempt war/ich
 bleib bey euch alle zeyt bitz zū dem end der welt. Nu will
 gott das wir vnser vrteyl von jm allein haben im glaubē
 en. darumb enzeicht er sich noch den gegebenen gaben
 dem entpsintlichen vrteyl. vnd also geet er vns noch den
 gegebenen pfunden von stundan wallen. Aber vnser vr
 teyl müßz sich nichts iren lassen die entpsindniß von
 dem lyecht des glaubē. Dan dieweil in vns bleibt das
 vrteyl göttlicher gegenwertigkeit/ so bleibt auch in vns
 ein rechter gebrauch göttlicher gaben in frölicher vñnd.

8
fridsamer däckbarkeit. Dañ gleich als ein christen mēsch
zū sychtbarlicher gegenwertigkeit Christi rüwig were al
ler ding die in beschweren / also wer er auch on zweyfel
gott ergeben vñ rüwig / weñ er vffrecht wer in dē glaub
en göttlicher gegenwertigkeit / als er sein solt. Gedencck
doch / wie du kein zeytlich ding dar für nāmeß / so Chri
stus leiplich vnd sychtbarlich zū dir kām / vnd wölt mitt
dir reden von allen dingen wie du wöltest / vnd wölt also
bey dir sein in allen deinen sache. Was möcht dich doch
betrübē: Vß dißem solt ein mensch erlernē seinē schwach
en glauben zū Christo. dieweil die nochlassung der geist
lichen volkōmenheit im menschen grundlich geet vß ver
wandlūg des vrteyls von dem glauben in die vernunft.
Vñ dißem noch / so mügē wir auch hye in dißem sprüch
lin (vnd er ist als bald hyngezogen) mercken / ein angeyg^{sey}
gung des abgangs / oder d̄ nochlassung christenlicher vol
kōmenheit in der kirchen. Vñ als Paulus schreibt / so hat
dißer abgang vāst frū angefangen / also das zū seinen zey
ten hat angefangen die zükünfftig Antchristisch schalck
heit sich zū erzeygen. D was ist dañ geschēhē in so länger
zeyt hernach. Kein mēsch mag das genügsam bedencckē.

S Do ist hyngegangen der entpfang
en hatt fünff pfundt.

S So wir Christū recht erkanten im glauben als wir sol
ten / so wer er on mittel vnser geislich aug vnd lyecht / vñ
were vns nit not das vns etwar leeret. j. Joannis. ij. So
er aber vns geet wallē / so seind wir blind. dañ wir seind
beraubt vnser aug vnd lyechts. Darumb so bedürffen
wir deren die vns führen als die blindē vff Christum. Vñ
also seind verordnet worden die euangelischen knecht / zū
führen mit euangelischen predigen vff Christum. Vñnd in
dißem soltu mercken einē euāgelischen prediger / von einē

9.

falschen prediger. Dañ so fñrt vff ein ander ding dañ vff
Christum / es sey der Bapst / oder eygen eer / eygner nutz /
oder was es yemer sey / so hñt dich vor jm. dañ er arbeit-
et nit Christo. darumb solt du in auch nit erkennē für ein-
en knecht Christi.

S Vnd hat darmit gearbeitet.

Das arbeiten mit den fünff pfunden / ist nichts anders
gewesen / dann das bekeren zñ dem glauben Christi. Nye
ist aller gewalt / alle freyheit der Apostelen. Wo hñt aber
dem Bapst / den Bischöffen / vnd allen denē die sich nen-
nen lassen die geistlichē / hergestossen sey gewalt vnd frey-
heit / als sye solichs fürwenden / das merckt man yetzund
zñ güter massz wol. Dañ von solichen habē weder Chri-
stus / noch die Apostel etwas verordnet oder befolhē / an-
ders dañ das man es fliehen sol. Vß welchem ich erlern
vnderscheyd zñ haben vnder der kirchen Christi / vnd vn-
der der kirchen Antichristi. Nñt dich zñ glauben / das ert-
war gewalt hab in der kirchen Christi anders dañ noch
der beschribenen regel Christi in dem Euangelio / vñnd
der Apostelē in iren epistelen / als lieb als dir ist das heyl
deiner seelen. Die kirch Christi bedarff auch weder des
Bapsts / noch der Bischöff / dañ als vil sye wöllen besse-
ren (das ist) noch dem Euangelio handeln. Darumb ist
ir vn bekant der müßig standt vnser Bischöffen. Man
spricht / es sey gar ein grosse eer der kirchē / das sye hat so
vil herzlicher heubter. Ist die kirch darumb eerlich / so ist
sye freylich zñ den zeyten 8 Apostelen gewesen schätlich.
Ist sye aber gewesen das selbig mal löblich / so gedencck
doch ob sye yetz nit sey in der warheit spötlich. Es sey
dañ löblich der kirchen / das sye gantz nichts thñt aller
der ding die Christus haben wolt. Es will auch gar läg-
sam volgen / das vnser müßigen Bischöff / die so gantz

nichts sich fleysen euangelischer arbeit/seyen der würdig-
sten glyder d kirchen gottes/so sye vülleicht auch nit seind
der minsten vnd noch gültigsten glyder. Dann so sye nit
werden in der genad gottes/oder (das ich red mitt Paulo
Roma. viii.) so sye nit hetten den geist Christi/so werē sye
auch nit des herre Christi. vnd ist auch vast möglich.

Sund hatt gewonnen fünff ander pfundt.
Der gewin der gegebenen pfund ist nichts anders/dan
der einig glaub in vilerley mēschen vfferweckt durch die
Apostelen. vnd nāmlich in fünfferley. **Z**ū dem ersten der
judē. welche (als der gewin des ersten pfunds geschriff-
licher verstentniß des gesatzs vnd der propheten) Christo
dem herren seind vereinigt worden im glauben. **Z**ū dem
anderen ist der gewin des pfunds der wunderzeichē für
nāmlich die bekerūg der heyden/weliche von Christo als
ein gūt gelt begirlich seind angenōmen worden. **Z**ū dem
dritten ist der gewin des dritten pfunds gewesen die be-
kerung deren die vff irem alten glauben bleiben wolten/
als oben berürt ist. **Z**ū dē fyerdē ist der gewin des fyerdē
pfunds bekerung deren/welichen sunst die mütersprach
der Apostelen nit hetten versteeen mügen. **D**an du magst
wol gedenccken/wie geschickt es gewesen were/so die he-
breytschen vns teütschen in hebreytscher sprach hetten ge-
prediget. wer wolt sye verstanden haben: **Z**ū dem fünfftē
en ist der gewin des letzten pfunds die bekerung die ye-
zund geschicht zū vnseren zeyten/von dem glauben Ant-
christlicher gerechtigkeit zū dem glaubē d genad gottes/
als in geprediget habē die heyligē Apostel/nach vßweiß-
ung der Epistelen Pauli.

Desszgleichē der do hett entfangē zwey pfundt.

Christus vnser herz vnd haubt hat in seinem geistliche
leib der kirchen vilerley glyder/vngleich vndereinander an-

vollkōmenheit. vnd wil/ das alweg das vollkōmen helfff dem vnvolkōmen. gleich als in einē natürlichen leib das geben steuret das fleisch/ als ein sterckers das schwach. Solichs haben vorzeyten die heyligen Bischöff gar wol betrachtēt vnd ermessen. darumb haben sye sich entschlagen aller zeytlichen ding noch allem iren vermōgen/ vnd habē sich allein geflossen zū arbeiten in besserūg der glaubigen/ mit den zweyen pfunden des rechten leerens/ vnd des heyligen lebens. als vor inen die heyligē Apostel vñ marterer sich geflossen haben zū arbeiten in bekerung der vnglaubigen mit den fünff pfunden. Vnd als oben erzelt ist/ so seind diße fünff pfund genūg gewesen zū besserūg der glaubigen. seind auch beyde not gewesen/ von wegen des vfferwachsenden vnkrauts der irung vnd ketzerere/ welichs vßgerēcutt werden müß von den heyligen Bischöffen mit dem ersten pfund/ durch predigē/ schreiben/ disputieren/ vnd mit schreyen zū gott. Auch von wegen der abnemēden liebe der glaubigē. welche bedürfft hat (als ein feur) des holtz hitziger exempel oder ebēbild der fürer oder vorgeer. Dann die liebe gottes in dem menschen (als sye hitzig mache) will hitzig gemacht sein. Also seind gewesen solich Bischöff kertzen vff kertzstöcken/ darumb sye habē sollen leuchten mit leren/ vnd brēnen mit leben. Brēnen allein/ ist wenig. Leuchten allein/ ist müßig. Brēn vnd leuchten zū mal/ das selbig ist vollkōmen.

S Was darüber gewūnen zwey ander pfunde.

Der gewūn diser obgenantē pfund würt leichtlich verstandē. daß er ist nichts anders daß die besserūg zweyer ley mēschen vnder den glaubigē. In dem ersten deren mēschen die sich kein übelthat der anderen hinderē lassen an gott/ sonder als ein rechtgeschaffen kind sprechē. Ich wil darüb gott nit feynd sein/ dz jm and mēschen feynd seind.

Ich wil in nit ertzürnē/ darumb das in diser vnd diser
ertzürnet. Ich wil mich fleissen seines götliche willens/
ob schon kein mēsch sunst solichs thūn wōlt. Solichē mē-
schen wer genūg zū irer besserung. das erst pfund rechter
lere. Diereil aber zū dem andere menschen seind in weli-
chen die ergerniß eines. übellebendē predigers. hynnimpt
die glaubwürdigkeit der rechtē lere/ so ist der selbigē halb-
not das ander pfund der gütē ebenbild zū einer besserūg.
Vnd also würckt in jnen das ander pfund seinen gewin.
Dañ wir wissen die red des gemeynē mañs. Wer es als
die pfaffen predigē/ so lebten sye auch anders.

SÜber der do hett entpfangen
ein pfund.

Dises ist der faul böß knecht/ oder als oben gesagt ist
der vnnutz hauff vnser herschenden Bischöffen/ in weli-
chē die götlich lieb ist erloschē worden. welichs wol an-
zeygt ir müßiger handel/ in besserung irer vnderthonen
mit geistlicher übung. Dañ sye haben das geistlich regi-
ment der seelen gantz vnd gar verwädelt in den weltlich-
en pracht des yridischen gewalts. Vnd als vorzeytē die
Bischöff waren die demütigsten / vnd im eyempel aller
tugenden die fürnemesten/ also seind sye hernach worden
die aller hochfertigsten / vnd im eyempel der laster die al-
lerfürnemesten. Dises seind die vōgt vnd schultheissen
des Antchrißts.

SDer gieng hyn.

Mitt zū besseren mit heyliger arbeit/ noch dem beselch
vnd geheiß Christi/ als die zwen gütē knecht vor im ge-
thon habē/ sonder er gieng hyn zū bößere vñ zū verderbē
alles güt geschafft / alle güte frucht erwachsen vß dem ar-
beiten d̄ vorigen heyligen vätter. als wir sehen wōllen.

Vnd vergrub es in das erdtrich.

Das pfund rechter lere vergraben in das erdrich / ist nichts anders / dan die wort Christi im Euāgelio / vñ seines vßlegers Pauli / mit yrdischer subtiligkeit heydenischer kunst überschüttē vnd ynwickelen in mēschliche meynung. welichs yetzt vor langer zeyt geschehen ist / vnd niemants hats wōllen mercken. Dan wiewol vns Paulus Col. ij. so treülich gewarnet hat vor der Philosophy / als vor der aller schädlichstē betriegerey / durch welche Christus am allermeeften an seiner gnad würt verdückelt / als das lycht durch die finsterniß / so ist dannoch das spiel in der kirchen übersehē. Dan der verdäpft verflücht heyd Aristoteles / ist worden ein vßleger des Euāgeliums Christi / vnd Paulus steet hynder dem ofen. Vnd also ist vß dem süßen vnd leichtē joch Christi / wordē die schwer bürd des Antchrißts / welcher sich gesetzt hat in den tempel Gottes an die stat Christi / vnd sein geistlichs gesatz an die statt des Euāgeliums / vnd Aristoteles an die statt sanct Paulus / als einen vßleger seines gesatzs. Dan was geet in Paulus an: Vff den wortē Pauli mag nit besten das Bapsttumb / sonder vff den wortē Aristotelis. Darumb ist von dem Bapst bestāiget das Euāgelium Christi / nit noch der vßlegung Pauli / als wir öffentlich sehen / sonder noch der vßlegung Aristotelis. Vnd also ist worden vß dem Euāgelio Christi / das Euāgelium des Antchrißts. den wir müssen in erkennē als einen yrdischen Gott (dan also neit man in) der auch gewalt hat im hūmel vnd im segfeür / das er also in keinem stück mit der gehalten werd dan Christus / sonder in ertlichen stücken über Christū. als das in die geschriffte nit verbindt zū thun anders dan das in ist gefellig. vñ also in aller Antchrißtschet bößheit. noch ist er sanctissimus / der aller heyligst vatter. welchem wir auch (dieweil er ist ein yrdisch

er gott) opfferen müssen unsere yrdische güter (Dan was sol on opffer:) dafür gibt er vns dan sein göttliche ge-
nad/vnnd vergibt vns vnsere sünd. Gott mein herz wöll
mir helfen/mich würt angreiffen sein wüten / das mich
sein peinigüg nit erschreck vn abfell. **D**an als klar ich er-
kenn Christu im himel zü der rechten seines himelischen
vatters/ als klar syhe ich den sün der verderbnis (als in
Paulus neuner) sitzen in dem tempel gottes/sich erzeigē-
de als ob er gott sey.

S **V**nd hat verborzen das gelt
seines herzen.

Verbergē/ ist ein ding also verlegē vor den anderen/dz
sy es nit sollen finden. **S**o wissen wir dz vil ding vergra-
ben werdē als die todten/nit darüb das man solichs nit
soll finden. dan man thüt es offentlich. **D**as sag ich dar-
umb/das man müg mercken/wie verbergē etwas weis-
ers sey dan vergrabē. **N**u hat diser böß knecht vergrabē
vnd verborzen das gelt seines herze. **D**as vergrabē hatt
er gethon offentlich. **E**s nam in nit hál. dan er vermeynt
er thät recht daran. warüb wolt er sich dan des vergrabs
ens schämen. **E**r müß sich auch üben in subtilen dingen
d philosophy/das er die feynd des glaubēes möcht schla-
hen mit irem eygnē schwert. das also die christenheit nit
alweg vff ir hett die schäd d einfeltigē vnwissenheit. **D**z
aber Paulus solichs verbottē hat/wer weyszt warübers
gethon hat: **S**ciētia nō habet inimicū nisi ignorātē. **S**yh
zū lieber mensch/wie so ein schöner glantz das sey/vnder
welchen die werckleüt des Antchuffs die Aristotelischen
doctores vff den hochē schülen besudlet habē/vn vergrabē
den rechtē verstand des Euangeliübs Christi. **A**ls nu
das vergraben des pfunds ist volbracht wordē vnd dem
schein hoher vnd subtyler kunst/do hat auch angefangen

Das verbergē vnder dem schein des gewalts von gott.
 Dañ so einer wolt das vergrabē Euangelii widerüb vß
 graben vnd herfür bringē mit verwerffung d̄ gloßen vß
 den menschē ertichtet / so hielt man im von stund an für/
 wie solich gloßen weren angenōmen von der kirchen/vñ
 bestätigt von dem Papsst. Vnd so sich diser betrug nit
 mocht verbergē vor dem vrtēyl ertlicher mēschen/so ließz
 das. thyer Apo. viii. herfür geen sein ander horn des welt-
 lichen gewalts. /darmit zū weren/der entdeckūg der war-
 heit. dañ solich mēschen wurden gescholtē für ketzer. Vñ
 also ist die recht verstentniß ganz genōmen worden von
 vns. so gar/das ja in Euāgelio hat müssen sein neyn/vñ
 neyn hatt müssen sein ja. weisß schwarz/ vñnd schwarz
 weisß. vñ nichts gewisß in allem solichē würt vns zū ge-
 lassen. dañ alweg würt vns fürgeworffen vnser vnwissen-
 heit vñ die kunst d̄ hohē schülē /bestätigūg des Papsst/
 vñ der gleichē. Aber dz spiel ist vil zū vil übermacht wor-
 den vnder d̄ weil/ in welcher vnser herr Ihesus Chrus
 sein walfart vertzogen hat. Im sey glory vff erden. dañ er
 fart do hāt. vñnd so Luther würt schweigen/so würden

Und nach langer zeit.

Schreyē die stein.

Uß dem sich die vßerwelten am allerfürderlichstē bes-
 feren/vß dem selbigē bößeren sich die verstopfften mēsch-
 en am meistē. Dañ noch dē so die papistē yetz gebraucht
 haben all ir kunst zū widersprechūg d̄ erōffnetē warheit
 von dem Antchristischē wesen das wir erkennē/vñ so sye
 nichts weiters mügen geredē/ so sprechē sye. Wir wōllē
 vff vnserem alten glaubē bleiben. **S**yh zū lieber mensch/
 den Papistischen glauben nennen sye den alten glauben.
 gleich als ob der Apostolisch glaub (den wir bekennen)
 nitt wer gewesen vor dem Papistischen glauben. **S**ag
 mir/welicher glaub vnder den zweyen ist der alte glaub.

Aber sye reden vileicht vnwissent die warheit (als Cai-
phas) von dem glauben der gewesen ist vor dem Apосто-
lischen glauben. das ist / von dem jüdischē glaubē. Dañ
der jüdisch glaub ist ein glaub der werck vñ cüsserlicher
gerechtigkeit. Vnd was ist der Papistisch glaub anders?
Das ist die jüdischheit / vß derē vns Christus hat heysen
stehen zü den bergen. Doch (das ich sye auch versprech)
müssz ich sagen das ich von etlichen gehört hab. Solt
die kirch (sprechen sye) so ein lange zeyt geirret haben: Di-
ße ding seind doch yetzund bestanden wol fünff hundert
jar. Vnd also magstu mercken / wie sye so gantz nichts re-
den von dem jüdischen glauben / so sye sprechē / Wir wöl
vff vnserem alten glaubē bleiben / sonder allein von dem
glaubē des bösen faulen knechts / der das gelt seines hee-
ren hat vergraben vnd verborgen. von welchem glaubē
en wir hernach haben werdē. So aber die Papisten mer-
cken / das sye begriffen werdē in iren eygnen wortē / so ver-
wandlen sye die zal / machen vß fünffhundert fünffzehē
hundert. Solt die kirch (sprechen sye darnach) in fünffze-
henhundert jaren geirret haben: Aber was will man anfa-
hen mit dißē ellendē menschen. Wan müßz sye auch re-
den lasszen. Die Epistelen Pauli zeygen vns genügsame
an / wie gleich der Papistisch glaub sey dem Apostolisch-
en glauben. Warumb gedenccken die armen mēschen nit /
wie die Prelaten der kirchen so lang yetzund geschlaffen
habē on alle sorg / wie die seelē seyen versorgt. Was würt
vß den kinderen die man nit zeücht zü gütē: Wie seind
wir so ein lange zeyt mit pfarrherren versehē worden: Ist
jm nit also / das 8 seel verderber zü Rom die seelen ringet
geachtet hat dañ seinen verflüchten pfennig: Dañ so ein
verdorbener schüler dem Pappst ein zeytlang het gedient /
so gab er jm zü lon ein seelsorg oder pfarr. vnangesehē / ob

er geschickt oder vngeschickt / gelert oder vngelert were.
 Vnangesehē ob er bößert oder bessert / allein das er kein
 dienstgelt schuldig wer. Vnd solichs seelverkauffen soll
 nit sein ein ampt des verreters Christi / sonder das ampt
 Petri. Vnd ob wir schon die bößheit greiffen / so wöllet
 wir dennocht vff vnser meynüg bleiben. Darumb / das
 dises regiment der bößheit so lang hat geweret. vnanges
 sehen das diser Lucifer solt so frū vffgeen. Vnnd der en
 gel gottes zeygt Danieli die langwirigkeit des Antchri
 stischen regimēts / vnd sprach von dem morgen des Ant
 christischen obends. Du solt bezeychnen disses gesycht.
 dan es würt erfüllet nach vil tagen. Vñ Christus hye in
 dem Eūangelio. Noch langer zeyt ist widerumb kōmen
 der hett diser knecht. Merck wol / diser knecht.

Sam der herz diser knecht.
Von dissem kōmen spricht der herz Luce. xviii. So der
 sūn des mēschen kōmen würt / meynstu das er den glau
 ben findē werd vff d' erdē: als ob er sprach. Meyn. dan in
 allen dingen würt der glaub zertretten vnd gewüstet wer
 dē durch dz reich des Antchrissts / als Daniel hat gesehē.
 Vnd dise zūkunfft des herren hat müssen habē iren Mes
 liam / von dem der herz sprach Matth. xvii. So der Mes
 lias kōmen würt / so würt er alle ding wider vffrichten.
 Vnd das ist die rede der Papisten / so sye klagen wie der
 Luther alle ding wöll rechtfertigē. Auch so sye über in kla
 gen wie er wüte / bedencken sye wenig / das sye im vnwis
 sent gezeügniß geben des ampts halben das er treibt in
 d' ynbrünstigkeit des geists Melie. Was wölte sye dan
 sagen / so er dem Papsst vnder augen stünd (als Melias dē
 künig von Israel) vñnd sprach. Dises spricht gott der
 herre. Was würden sye klagen / so er mit seiner handt er
 tödter so vil priester als Melias gethon hatt / darumb er

Dañ stiechen müß das böß weyb Jezabel / als vnser Helias
as die Babylonischen hören Apoc. xviii. Helia wolt sa-
hen der künig Schostas. iiii. Reg. j. vnd schickt jm nach
eine hauptman mit fünffzig mänē. Do nu dieser haubt-
man sahe Helia sitzen vff eine berg/do schrey er zū jm vß
gespött. Du diener gottes/ kum hær /ß künig müßz dich
habē. Do sprach Helias. Ist dañ dein gespött war/so du
mich heyssest eine diener gottes/so kum das feür vom he-
mel herab vnd verbren dich vnnnd dein fünffzig mit dir.
Do kam das feür vom himel vnd verbrant sye all mitein-
ander. Darnoch kam ein ander haubtman mit fünffzig
mannen/ den geschach auch also. **D**o do solten die priester
von dem wüten Helte gesagt haben. Aber solichs ist ge-
schehen zū einer figur. Dañ vnser Helias soll nitt wüten
mit dem elementischē feür/ sonder mit dem wort gottes/
das gott nēnet ein feür. Niere. xviii. Vñ Niere. v. spricht
gott ð herr. **L**ym. war/ ich gib mein wort in deinē munde
als ein feür/vñ ergib dir ð volck als einē hauffē holz/
vnd das feür würt sye verbrennē. Solichs verbrenē mit
dem wort gottes habē wir erfarē. Dañ vnser Helias hat
mit dißem feür die glory verbrēnet des Papsß vnd sein-
er feyßten/ noch der weiffagung. Esaie. v. welcher seinen
stül erhöcht hat/vñ hat wöllen sein gleich dem aller hö-
chsten Esa. viii. Besyhe nu wie den Helia beschreib Eco-
clasiasticus. xviij. Er ist vfferstandē als ein feür/vñ seine
wort brēnen als ein sackel. vñ er füret yn wid sye den mæ-
gel oder hunger. darumb verfolgen sye in in. irer eyfer-
ung. aber in seinen tagen fürchtet er keinen fürsten. **D**is-
ses lersß sprüchlin hat herfür gebracht Meyng künig von
Dund besaßz mit jnen ein rechnüg. **E**ngellädt.
Gott dem herren sey lob ewigklich / der mich hatt las-
sen erleben disse zeyt/ vnnnd mir geben erkantniß dieser be-

Verbu dmi
gnis. Hie
e. 5. et 18.

seßne rechnüg. **D**añ diese rechnüg ist nichts anders dan
 das gericht über diesen bößen faulen knecht, das ist/über
 das Antichristisch reich/in welchē gericht eröffnet werde
 müß/was er geschaffet hat in der kirchē gottes. **D**añ sein
 bößheit ist vffgestigen big zū den wolcken/vnd ist erhab
 en big in den himel. Sein verwüsten habē nit mer leiden
 mügē die elemēt. **D**arumb ist die Babylonisch hür kom
 men in die gedechniß vor dem allerhöchsten/vñ hat an
 gefangen ir vrteyl. **D**añ von dem wein irer verfürüg hat
 sye getrenckt alle vöcker der erdē. **V**nd also würt es hyn
 genommen vnd zerbrochen (als Paulus spricht) mit erleu
 chtung der zükunfft Christi/vvnd würt ertödt mit dem
 schwert seines munds/oder (als Daniel spricht) on hend
 würt er zerknitscht. **D**añ so sein betrug yetzund ist eröff
 net worden/so fürchtet das gewissen der vßerwelten got
 tes nit mer seinen falsch geistlichen gottes förmigē gewalt
 sonder sye geend vß seinem gebiet/als die erlösten vß der
 gefängniß Babylonie/vnd springent als ein kalb von d
 herdt/so die tyränischen gebott yetzund seind vor irem ge
 wissen/als ein verzert holtz gemacht ganz zū eschen/die
 sye zertreplē mit iren füßen. **D**añ ir Helias inē verheissen
 Malachie am letzten / ist schon kummen/vvnd sye sehen
 den verheissenē tag des gerichtes (als emē vorschattē des
 letzten gerichtes an dem tüngsten tag) welcher ist als ein
 angezündter off mit feür des worts gottes/ das do verbre
 net all hochfertig vnd falsch glaubig on allē widersädt.
Dañ die starcken Babylonis (Jeremie. ij.) haben vffge
 hört von dem streit/ir krafft ist verwüster/vvnd sye seind
 worden sy gloß als die weyber. **A**ber denē die do gott für
 chtent (Malachie am letzten) die do erkennen die geistlich
 heit des gesatzs gottes/denē geet widerumb vff die sonn
 der gerechtigkeit/vvnd die gesundtheit in seinen federen,

S Do gieng hyntzū der do hett entpfang
en fünff pfund.

Ein lange zeyt ist yetzund gelegē die Babylonisch ver-
worenheit in der finsterniß des Antchristlichen obents.
also / das man gantz keinen vnderscheid gehalten mocht
vnder Apostolischen glauben / vnd Antchristlichem vn-
glauben. vnder Apostolischer leer / vñ Antchristlicher er-
dichtung. vnder Apostolischer besserung / vnd Antchrist-
licher böserung / biß das yetzund herfürkompt oder er-
klāret würt diser gūt getrew knecht mitt den fünff pfun-
den / in der kirchē vor dem gericht der wort gottes. in we-
lichem Christus die sonn der gerechtigkeit / vns yetzund
widerumb erleuchtet in diser seiner gegewertigkeit nach
seinem langen wallen. vnder welchem 8 Bapst seine mit-
knecht hatt geschlagen vñnd übel gehalten / biß das sein
teyl zū letst von dem kōmenden herzen in seinem vrteyl er-
kennet worden ist mit den gleißzneren der judē / von den-
en auch vorhyn genōmen ist wordē das reich der himel /
vnd gegeben einem volck das do bracht sein frucht. **D**añ
dissen falschen knecht / der sich gleich macht sanct Petro /
vnd nennet sich dominū apostolicum / den erkennet auch
der baur yetzūd von sanct Peter / vnd spricht. **D**er Bapst
lebet nit als sanct Peter gelebet hatt. Sein leben ist mer
fleyschlich dan geistlich / es ist mer teuffelisch dan Aposto-
lisch. **E**r wil sein über seinen meister. Daran thūt er nit
als Petrus / sonder als Lucifer. **V**nd darüb müßz er auch
habē das vrteyl des Lucifers. **D**añ als der teuffel mit sein
er geselschafft verstoffen ist vß dē himel / also müßz auch
diser Lucifer verstoffen werdē vß der kirchē gottes. **D**añ
Christus sprach. **D**er iunger ist nit über seinen herrē. **E**r
hat wōllen sein vnser diener / als er selbs spricht. so hatt
der Bapst wōllen sein vnser herr vnder seinem gleißznerē

K
ischem titel/ Seruus seruatorum dei. **V**n ein lange zeyt hat
es alles müssen recht sein. Er hatt nit können irren/oder
sünden. Dañ niemants wolt betrachte/wie Christus ge
sprochē hett. Ich bin der weg. vnd nitt also. Ich bedarff
euch nichts sagen/Petrus ist der weg. was Petrus thūn
würdt vnd sagē/das würdt alles recht sein. **S**yh zū/solich
es erkēnet yetzund d vngelert ackerman hynder dē pflüg.
Vnd wiewol vor diser zeyt in etlichē menschen gewesen
ist soliche rechnung vnd vrteylüg / so ist sye doch bedeckt
gewesen mit solicher vnwissenheit/ das jnen die menschen
vß solichem vrteyl grossz sünd forchtē. Darumb beich
tetē sye auch solichs als ein grosse schuld/ das sye gemur
melet hetten wider den Bapst. Sye kunden auch den Pa
pisten nitt verantwurten iren grund / daruff sye baweten
die gehorsamkeit des Bapsts. **A**ls so ein Papist sprach.
Christus spricht/Wer euch hört / der hört mich / vnd
wer euch verachtet/der verachtet mich. do was keiner so
geschickt das er hett gesprochē/wie Christus solichs ge
sprochen hett zū seinen iüngerem welche man möcht er
kennē vß iren wercken das sye seine iünger werē/ vnd nit
iünger des teufels. **V**nd so ein Papist sprach/ Christus
spricht/ Vff dem stül A Nosi seind gefessen die schrift ge
lerten/darumb thünd alles das sye euch sagen. **D**o was
keiner so geschickt das er sprach/wie man sye nit solt hō
ren so sye nit sassen vff dem stül A Nosi/sonder vff irem ey
gen stül. Dañ welichs leer du leereest/vff des selbigen stül
sitzeest du. **A**lso sitzen die euangelischen leerer vff dem stül
Christi/vnd die Papisten vff dem stül des Bapsts. **V**nd
der gleichen ander frag kunden wir nit verätwurten/bitz
das diser knecht ist herfürkōmen vnderklert worden (als
gesagt ist) **D**ann yetzund weyßzt man wie es sünd ist /so
man das erbarmlich seelmorden nitt weret mitt hendern

vnd füßen. **W**iewol die Papisten das so für ein grosse
sünd haben/das sye keinem mög vergeben werden/matt
verbreñ in dan vorhyn. dan es ist casus papalis. Dan vor
einem Papiste würt höher geachtet das güt vnd die eer
ires yrdischen abgotts/dan das heyl aller selen. Das sich
wol erzeygt in irer eyferung für den Bapst wider die hey-
ligkeit Christi.

S **W**nd bracht fünff ander pfundt.

Du magst wol mercken wie diese drey knecht all zü die-
ser zeyt sich haben angezeygt noch einander. Dan dieweil
das pfundt der prophetzey ist yngelegt wordē biz vff die
se zeyt (als oben gesagt ist) so hat dieser knecht vor dieser
zeyt nit künen mügen mit dem gewin der fünff pfundē.
dan 8 gewin des letzten pfunds was noch nit volbracht
oder eröffnet. vnd also hat er müssen warten mitt seinem
anzeynen/biz vff die zeyt des anzeygens der anderē zwey-
en knechten. **A**ber yetzund ist kōmen herfür an das lycht
gōtlicher rechēschafft auch der gewin des letzte pfunds
mit dem gewin der anderen pfunden.

S **W**nd sprach. **H**er du hast mir ge-
ben fünff pfundt.

Wnder den gaben der güter / verstot man auch den ge-
walt des gebrauchs 8 selbigē güter. **W**nd das ist auch 8
gewalt von Christo verluhē sancto Petro vñ den anderen
Apostelen/den man nennet den gewalt zü binden vnd zü
entbindē/vñ wie man in yemer nennē mag. **W**nder dem
nāmen vñ schein des selbigē gewalts / hat nu so ein läge
zeyt regieret der Bapst mitt seinē vōgten / biz er ist eröff-
net wordē. **D**an also ist er genennet worden Apostolicus.
vñ sein stül sedes apostolica / vnd sein hoffgesynd sancta
Romana ecclesia. **A**ber bey seinen güteren haben wer er,

lernet seinē gewalt. **D**añ als gleich seine güter seind den güteren der Apostelen/als gleich ist auch sein gewalt dē gewalt der Apostelen. **V**on seinen güteren vnd von seinem gewalt ist oben gesagt so vil/dz du wol merckē magst wie sanct Peters wesen vnd des Bapsts sich zūsamē vergleichen/ gleich als das lycht vnd die finsterniß/ Christus vnd Belial. **W**as bedarff doch die kirch eines solichen gewalts als in hat der Bapst: dieweil doch Christus wil haben ein vnbezungen hertz/das in frey diene on alle forcht der schand/des tods/ oder der hell. **W**elcher mensch ist nu so vnbesyt/das er nit greiff wie das füren zū Christo/allein mit euangelischen predigē vnd ermanen geschehen müßz: **V**nd wann schon gott annām gezwungene dienst/vnd die christen verstopffter weren deß die heyden seind gewesen/die durch den ernstlichen fleiß in weltlicher vnachtbarkeit bekeret seind worden von den lieben heyligen Apostelen /so sind ich doch keinen nutz der do wer entsprügen vß Bapßlichem gewalt / als sye in yetzund füren vnd lange zeyt gefüret haben. **D**ann sag mir einer/welichs landt doch bekeret worden sey vß bezwingung des Bapsts. **I**ch weyßz das wol / das es den Juden allweg übel gieng wann sye bawen wolten vff leiplichen gewalt. **W**as soll ich dann sagen von den Christen:

Mym war ich hab gewonnen
fünff andere pfundt.

Vnder dem gewin der güter /versteet man auch die arbeit der heyligē Apostelē vnd martyrer. **V**nder dem namen vn̄ schein des selbigen arbeitens/ hat der Bapst gemacht alle gerechtigkeit gottes zū einer vngerechtigkeit/ vnd die vngerechtigkeit zū einer gerechtigkeit. **V**nd wer möcht doch das schädlich arbeitē ertzelen des süns d̄ ver

derbniß: Vnd von solichs arbeitē wegen würt er genen-
net Sanctissimus / der aller heyligest. Dann im reich des
Antchriſts ist niemant heyliger dan das haubt des selbig=
en reichs. Vnd es geet gleich zū in diſem reich / als in dē
capitel des teufels / in welchem ettlich gegeyſlet wurdē /
darüb das ſye nitt genüg heylig gewesen waren mit ver-
derbung der mēſchen. Dan bey ſeinem arbeiten hat man
erlernēt ſeinen gewiñ / vnd bey ſeinem gewiñ ſein arbeit.
Das alles ſich vergleichet mit der arbeit vñ dem gewiñ
der Apoſtelē / als ſein gewalt vnd güter / mit dem gewalt
vnd den güteren der Apoſtelen / wie oben geſagt iſt. Aber
hye möcht einer ſprechen. Nihil ad propositum. Du wilt
ſagen von dem lob der Apoſtelen / vñnd ſagſt dafür von
dem vnrecht des Paps. Antwort. Diſe zwen güt vnd
getrew knecht / werden ſürnämlich darumb yngeſüret /
das man vñ gegenhaltung der ſelbigen vñnd des böſen
faulen knechts / den ſtandt des Antchriſtlichē reichs deſt-
er klärer vñnd eygentlicher mög erlernen vnd erkennen /
als es vns vaſt not iſt.

SDo sprach zū jm ſein herr.

Diſes ſprechen des herren / iſt nichts anders dann die
anzeygung des göttlichen wolgefallens über die arbeit
vnd den gewiñ vñ geēder erkantniß der wort gottes / das
den ſentenz gibt vñ beyden teylen / wer recht hab / vñnd
welicher vnrecht. Vñ des vergwiſſē wir vns / als ob wir
hörte die ſtyñ gottes von dem himel rüffen von dem lob
der güten knecht / vñnd von der verwerffung des böſen
knechts.

Sey du güter vnd getrewer knecht.

Vñ zweyen dingen würt gelobt diſer knecht von ſein
em herren. In welchen zweyen dingen auch hangt das
gantz geſatz vnd alle prophetē. Das erſt iſt der glaub / vñ

welchem allein der mensch gut würt. Dann die glückheit
 oder gerechtigkeit/weliche die Papiſten geben dem reu
 vnd leyd haben/dem beichten vnd genügthün/die gibe
 Paulus (vor allen wercken des hertzens/des munds/vñ
 wie die werck yemer geschēhē mügen) dem glaubē. Das
 ander ſeind die werck/in welchen diſer knecht würt ge
 nennet getrew. Vnd diſe zwey ding/glaub vñnd werck/
 ſeind als vnzertreht in einem chriſtlichen menschen/ als
 in einem apffelbaum der do frucht bringt / vnzertrennet
 ſeind die wurzel vnd der ſtam̄ oder die äſte.vñd von des
 ſelbigē wegē würt auch an etliche orten & geſchriſt die
 belonüg der ewigē ſeligkeit gegebē den wercken/wiewol
 ſye eygentlich iſt des glaubēs. als auch in dem nochuol
 gendem ſprüchlin.

So du getrew gewesen biſt in wenigem/
 ſo wil ich dich ſetzen über vil.

Der apffel iſt nit deſter weniger der wurzel/ob er auch
 gegeben würt dem ſtam̄/oder dem aſt als ſeinem nechſt
 en teyl. Also iſt auch der verdieneſt vñd die belonung nit
 deſter weniger der güttheit/ob wol allein hye würt gege
 ben der getrewheit. Darumb ſo merck /das die getrew
 heit der werck ſo ganz iſt die güttheit des glaubens / das
 es nit möglich iſt einem falſchgläubigen das er getrew
 ſey/vñd einem rechtgläubigen das er vngetrew ſey. Dañ
 ein falſchgläubiger ob er ſchon thüt güts/ſo thüt er doch
 ſolichs nit vmb ſunſt/er ſücht verdieneſt oder lon/eer oder
 lob. Vñd also geend ſeine werck vñ einer eygēnutzigkeit/
 vñd nit vñ getrewheit. Dañ eygēnutzigkeit vñd getrew
 heit ſeind widereinander als kalt vñd warm. Vñd ſo vil
 ein werck hat der eygennutzigkeit / ſo vil mangleet es der
 getrewheit. Aber ein rechtgläubiger mensch /dieweiler
 warhaſtiglich ſeinen reichtumb erkennet in Chriſto / ſo

Al
würt er auch wahafftiglich lustig vnd frölich. So daß
nu der lust nitt mag sein müßig/so würckt er/vnd nitt an
ders daß werck der gerechtigkeit. Dañ er spricht. O gott
von himel/wie reich biñ ich in Christo. dieweil ich hab
sein gerechtigkeit/heyligkeit/vñ allen seine verdienst. Es
ist auch vnmüglich dz ich weiter solt bedörffē verdienst.
Darumb so biñ ich freidsam vnd wolbenüßig /wil gūts
thūn/was ich vermag / gott zū lob vnd zū wolgefallen/
vnd meinem nechsten zū nutz. **A**ber die Papißte versteend
sich vmb kein gūt/es sey daß eygennützig. Dañ ir fasten
vnd betten ist darüb / das sye dar durch vor Gott haben
einen verdienst. **A**ber der rechten chrißte fasten ist darüb/
das sye dardurch das fleysch zwingen als mit einē zaum/
das es nitt einē vnlust mach dem ynwonēden geist der in
vns soll zerbrechen den alten Adam/welichem wir gebē
müssen statt. **D**as nu die Papißte im fasten vñ anderē soli
chen wercken dißen grund nitt haben /das merckestu vñ
dem/dz sye nit glaubē das fasten als gūt sey an dem oster
tag als an dem karfreitag. daß sy gedenccken wenig wañ
jnen fasten not sey/so sye die massz des fastes nit ermessen
vñ jnen selbs/sonder vñ der zeyt. **U**nd wie sye das fasten
bindē an die zeyt/also binden sye ir gebett an stätt. daß es
ist jnen verdienstlicher (als sye wenen) so sye bettē bey vn
ser frauen zū Aech / dann in irem hauß in dem kemmaer
lin. **A**lso binden sye ir almüsen an person. Dañ es soll vil
besser sein ein almüsen gegebē einem pfaffen od münch/
dañ sunst einem armen. **U**nd niches lassent sye vngibun
den. daß also sūchē sye dee größe des verdienstes. **A**ber so
sye sūchen verdienst /so verlieren sye den verdienst. **D**ann
verdienst sūchen/ist fallen von Christo. als du hast merck
en mügen. **D**och soltu weiter mercken bey dißem sprüch
lin des Euangeliums /das Paulus etlichen mēschen ge
geben hat milch als den iungen zarten kindlin im glaub

en/weliche der harten speiß etangelischer warheit noch
 nit mügen genießen / mügen die noch nit verderben. daß
 es seind ye die krancken anders zü fürē daß die gesunde.
 darumb so merck/das es heyszt milch gegeben/es heyszt
 den krancken speiß zü gericht / als oft in der geschriffte
 verdienst würt verheissen den wercken. Nemo repente fit
 summus. Gott mag wol mit vns für güt habē / das der
 mensch (yetzund gerecht gemacht durch den glaubē) gü-
 te werck würt / angesehen himelische freud vnd hellische
 pein. also das soliche werck nit lauter seind oder reyn von
 eygēnützigkeit. Dañ also kan gott für güt habē mit vns/
 das in benügt das soliche werck nit gantz seind entblößt
 oder beraubt v̄ getrewheit die v̄ not wegen volget dem
 glaubē / das er keines verdiensts bed̄rff. wiewol dz wis-
 sen der nötigen v̄strebung des getödtten alten Adams/
 mit im bringt ein eygennützigkeit der es sich nit kan ent-
 schlagen. weliche eygennützigkeit sich vermischeret der ge-
 trewheit. Vnd ich acht / das diese menschen grösslich ir-
 ren/vnnd sich selbs verführen / die do von jnen v̄schlahē
 die betrachtūg himelischer freud vnd hellischer pein/vñ
 sprechen. Ey solichs ist knechtlich vnd nit kindlich / man
 müßz gott vmb sunst dienē. Dises ist wol alles war. Aber
 wir müßzen doch auch gedēcken darbey / das wir nit stie-
 gen mügen ee vns gewachsen seind die federē. Das vns
 vnmüglich ist / das müßzen wir lernē anfahē zūuersüchē/
 noch v̄weißūg v̄ geschriffte / so thūt daß gott sein werck.
 Ein maler bindt die tafel die er malen wil. das sye im nit
 weich vnd in also hindere. Also wöllē wir leidē die hādte
 des heyligen geists in vns / so müßzen wir vns zü dem er-
 sten binden lassen an betrachtung des todes / des iüng-
 sten tags / der himelischen freud / des hellischen feurs.
 biß wir der handt Gottes gewon werden ; Dann sunst

werden wir seiner segenden handt nit still halten. **D**ann
wiewol wir durch den glauben erlangen vertzeyhüg der
sünd/das ist die genad gottes/in der vns Gott kein sünd
wil rechen zü straffen/so seind wir doch nit on sünd/son-
der voller sünd.weliche gott in vns wil vstreiben durch
sein gab die er vns schenkt in seiner genad / durch die er
vor in vns getöde hat die sünd all miteinander im glaub-
en. **S**ye/also heyszt die ermanüg himelischer freud/hel-
lischer peyn /vnd der gleichen mülch geben den iungē oß
franken vnuolkommenen im glauben/die ganz wenig
noch haben der chrislichen ynbrünstigkeit.welche speiß
also soll gegeben werden/das die franken darbey merck-
en mügen wie sye noch frank seyē so sye solicher speiß
bedürffen /vñ zü gott schreien vmb hilff mit emsigem ge-
bett/in starcker züuersicht/ das die pflanzüg gotts werd-
zü letst wol volbracht zü einē seligen gewechß des geists.
Aber wo leeren die papistichē prediger vff soliche weiß:
Sye vermeynen es sey genüg geleert /so man die leit er-
schreckt hat mit der helle / also das man güts thüt allein
vß forcht. **I**n kurtzlich. Es heyszt milchleer/die gleich-
niß des herren von dem schalckhafftigē pfleger/von dem
wollen reichen mann. Christus gibt milch so er sagt von
den werckē der barmhertzigkeit Matthei. xxv. **D**u saug-
est milch/so du lißest dises sprüchlin. So du getrew ge-
wesen bist in wenigem/so wil ich dich setzen über vil.

Gang yn in die freud deines herren.
Es schreiben vnd predigen die Papistischen doctores
vil von dem standt der seelen noch disem leben. als von
irer belonung im himel/ von irer peinigung in der hell/
von irer reynigüg in dem segfeür. **A**ber wie vil man inē
glauben soll so sye sagen von solichen dingen/ das mag
ein fürsychtig mensch wol erlernen/so er weyszt wie ge-

wissz sye schreiben vnd leeren von dem glauben vnd wer-
 cken/von sacramenten/vnnd von allen solichen dingen.
Wir wissen wie vngütlich sye leerē von dem fegfeur/mit
 fürhaltung der fabelen vnd gespenst des teüfels/welich-
 es sye exempel nennen/aber Paulus/würcküg der irzüg.
Dan es ist ye nit war/das das fegfeur sey ein straffender
 räch über die sünd/sonder mer ein vnderweiffēde leytüg
 vff lutere volkömenheit. Darumb ist es auch nit peinlich
 mit hitz vnd kelt/als sye daruon sagen / vnd den wēschen
 dar mit machen vnwillig vnd forchtsam zū sterben. Es
 ist vil besser das wir in solichen sachen bekennē vnser vn-
 wissenheit/dan das wir fürwitzig sein wöllen in dingen
 die vns gott nit hat befolhen. Die Papisfen schreibē dar
 von was sye wöllen/ich glaub jnen nichts. Gott weysszt
 wie im sey/dem befyhl ich die sacht. Wiewol mein bedü-
 cken mich weisen wil mitt diesem sprüchlin (Gang yn in
 die freüß deines herren)vff ein künfftige zeyt/in welcher
 erst soll anfahren die seligkeit aller seligen/vnd die pein al-
 ler verdampfen. Dan also deüter Paulus vff den iüngst-
 en tag/das er sein from entpfahen werd mit allen gerecht-
 en. Aber darnoch weyssz ich nit was das sey/so er spricht
 er beger zū sterben vnd zū sein bey Christo. Ich wil in di-
 ser sacht nitt zancken /ich wils gott befehlen. **Wir** ist ge-
 nüg/dz ich weyssz wie mich gott nitt verbindt solichs zū
 wissen. **Wir** haben auch im büch der heymlichen offen-
 bariüg(welichs büch sich vergleicht Danieli/vñ nit dem
 fyerden büch) Esdre/welchem büch die erfüllüg gibe be-
 stetigung vnd glaubwürdigkeit die wir yetzund erfaren.)
 von den seelen vnder dem altar die do getödt waren von
 wegen d̄ gezeügniß Ihesu. **Sye**/die begerten des rachs
 über ir ertödtter. Vñ jnen ward die götlich antwort/das
 sye noch solten wartē ein kleine zeyt/biz das erfüllt würd.

81
die zal irer mitbrüder. Vnd wer weyßzt ob vileicht auch
das nit sey die red Christi Luce. viii. So der schalckhaff-
tig richter gerochen hatt die armen wittfrawen/ solt dan
gott nit rechen seine vßerweltē die zū jm schreyen tag vñ
nacht/wiewol er ein zeytläg sycht durch die finger: Dan
mich will beduncken/diſſ red Christi sey mer gesagt von
den gestorbenen (die der zükünfftigen glory begerent der
en sye wartē zū entpfahen an dem wüingsten tag) dan von
den lebendigē/die sich in gedult schicken sollen in die ver-
folgung der bößen/als in ein nōtige artzeney.

SDo gieng auch hynzū der do hett
entpfangen zwey pfund.

Wye würt vns weiter angezeygt d vnderscheid zwisch-
en dem Antchriſtiſchen handel /vnd der heyligen beicht-
iger oder Biſchöffen/welche die heyligen kirchen Chri-
ſti-gefürdert haben mitt iren heyligen leeren vñnd leben.
Dan diſſer böß faul knecht (von dem du hernach hören
würft /vnd von welichs wegen auch diſſes gericht hatt
geſchehē müſſzen/das nit verdürb alles fleych) hat ſich
ein lange zeyt mitt diſſem frūmen getrewen knecht ver-
kauft/vnd ſein ſchalckheit verdeckt mit ſubtylem betrug
vnder d getrewheit diſſes frūmen knechts. Dieweil aber
die volkōmmenheit der kirchen iſt gewese klärer in den
Apoſtelē vñ martyrern dan in den beichtigern hernach/
auch die leer der Apoſtelen gewese iſt mer luter/dan die
leer der nachkōmenden/ ſye ſeyen wer ſye wōllen /ſo hatt
man auch leichtlicher/klärer vñnd baldē oder zeytlicher
erſehē den vnderſcheid des erſten knechts gegen dem bö-
ſen faulen knecht. Darumb iſt herfür kōmen der knecht
mit den fünff pfunden/vor diſſem knecht mitt den zwey-
en pfunden. Dann noch dem als er öffnet wordē iſt/das
vnſere Biſchöff ſo gantz in allen dingen vngleich ſeind

Der leer vnd dem leben der Apostelen / mit denen sye sich haben so ein lange zeyt beschönet / do ist die kirch gottes gewitziget worden / vnd hat doch wöllen wissen / ob solcher müßigen (in gutem) Bischen handlung ein bewerniß haben möcht vß dem handlen oder leeren Augustini / Ambrosij / vnd ives gleichen. Also ist nu herfürkommen auch diser ander knecht an das lyecht dieses gerichtes / mit anzeygung was sein thün vnd lassen sey vorzeyten gewesen.

S Und sprach. Wer du hast mir übergeben zwey pfund.

Von diesem haubtgüt vñ seinem gewiñ ist obē genüg gesagt. Vnd als oben gesagt ist von dem ersten knecht / so würt vnder dem geben der güter verstanden der gewalt des gebrauchs solicher güter. Darumb ob vns schon bedunct / wie sich die euangelisch armüt in diesem anderen knecht geweitert hab von der armüt des erste knechts / & weder silber noch gold hett / weder hauß noch hoff / weder acker noch wiesen / sonder sein güter vnd gewalt sich hab genähert den gütere vñ dem gewalt des Antchrißts oder des bößen faulen knechts / so sycht man doch vß ire bücherē wol / mit wß gütere sye bekümmert gewesen seind in irem hertze / vnd was gewalts sye sich überhebt vñ benömen habē. **W**an findt wol in dem geistlichē recht des Antchrißts / ire sprüch vñ nāmē vß. welichem erwachsen ist & won / wie sye auch teyllhafftig seyen gewesen seines tyrānischē reichs. **A**ber warlich vnwissend kömen sye in dieses teufelisch spiel. Vnd inen ist geschehen noch irem tod mitt solichē ynfüren irer sprüch vnd nāmen / als den zweyhundert getrewen dieneren des künigs David / welich vnwissend gefürt wurden von dem tyrānischē Absalon wid dz reich Davids ives herrē / zu einer verblēdnis

Dan. 11.
Deus
lausim

des gantzen volcks Israel. **D**an also seind wir verblende
worden/das wir von wegen falsch verstandner sprüch &
heyligē vätter (gesundē in disem verfürischen Antichristi-
ischem recht) geführt wordē seyen wider alle vernunft vñ
geschrifft/zū glauben dem erdichtē geistlichē gewalt des
Bapsts /mit welchem er bewaret hat ein vast lange zeyt
seinen abgott **M**aozim/als Daniel von jm gesehen hat.
Wie hat doch die vernunft mögē zulassen/das der Bapst
hab nach zulassen pein vnd schuld deren seelen die yezūd
waren gestorben vnd gefallen on mittel in das gericht got-
tes: Nämlich so Christus nit spricht zū Petro. w3 du bin-
den wirst im himels /in der hell/oder im fegfeur. sonder
er spricht/was du binden wirst vff erden. **I**tem/wie hat
die vernunft so gantz verloren ir vrteyl/ zū glauben /das
der gewalt des Bapsts sich streck vff straff. von gott ver-
ordnet über die sünd: **D**ann so wir glaubē/das pestilēz/
teuerung / oder hunger/franckheit /vngewitter vñnd der
gleichē seyen straffen vō gott verordnet über vnser sünd/
warumb gon wir dann mit dem kreutz : warumb wal-
len wir hyn vñnd wider / das also Gott nachlassz sein
straff: warumb betten wir dafür 12: warumb schicken wir
nit dar für gen Rom/vñ erkauffen solich straff dē Bapst
ab / als wir jm abkauffen die straff der künfftigen welt:
Oder gibt das nit die vernunft/das er vermög dz mind-
er/so er vermag das merer : **B** blindheit aller menschen
in allē iren sachen / wañ wiltu doch greiffen den grossen
groben betrug den du nit sehen magst. **W**ir habē geheyl-
et Babylonem/vñnd sye ist nit heyl worden. **W**ir wöllen
sye verlassen.

Sym war ich hab gewonnen
zwey ander pfund.
Bey dem gewin (von dem oben genüg gesagt ist) soltu

mercken die arbeit. **Kurtz:** Güter vnd gewalt/gewin vñ arbeit der zweyen gūten knecht/vergleicht sich den gūteren vñ gewalt/gewin vnd arbeit des bößen knechts/als sich der himel vergleicht der hell. Vñnd das ich dir geb des ein eyepel/so syhe an den standt der voltkomenheit in der Papisischen kirchen. das ist/die samlūg der aller heyligstē menschen in den man haltet apostolische armūt vñ warhafftig ũbung gantz noch dem Euangelio Christi. (Dañ also wöllen wānen die armē blinden mēschen von den münchen in den klösterē) **D**o lebt man nit allein als Augustinus/Frāciscus/Dominicus/Basilius/Benedictus/Bernhardus gelebt haben / man lebt auch als Petrus/Jacobus/Johānes/die nichts eygēs gehabt habē. **D**es scheinenden betrugs. was soll ich sagen? Gott ist mein zeug/dz mich weder hassz/neid/nach zorn bewegt hye zū reden/sonder die einseltigkeit viler frūmer menschen in den klösteren / den man verbeit zū lesen die bücher des Luthers. dañ sye erbarmen mich. dieweil sye vileicht bassz thātē/wañ man sye bassz lernē ließ. **G**laubstu mein lieber Barfüßer (dicweil du doch wilt d̄ aller ärmst sein) das dein vatter der lieb heylig Frāciscus / hab wöllē vffsetzen ein solichs volles vnd fauls lebē als irs yezund fūren: Was sagt man mir vil von grosser armūt on māgel vnd hūger. **E**s ist ein armūt gleich als ein hūltzin schür eyssen ist ein eyssen /vnd als des Papis geistlicher gewalt ist ein geistlicher gewalt. So du mir aber sagst vō armūt die du leiden müst vff dem land so du keß betleest /darūb das du kein gelt angreiffest. **D**u lieber gesell/vermeynst du dz du gott deffer näher seyest vmb solichs leidens willen. **D**u geest vß (ich wil nichts sagē von liegē vnd betriegen) vnd beredist mengen armen harten arbeiter/der bey aller seiner vnrūw vnd arbeit mit seinē kinderē oft müßz

leiden hunger vnd not/den selbigē beredstu/ dir zū gebē
das du bringest den mößschweinē heym/die mit müßigē
geen nyemer hūger leiden/sond mit lachen vnd schwēgē
den tag vil mal vertreiben. **E**y sprichstu. Sye singen vnd
lesen doch die syben tagzeyt. Du hast gar war. Datt sye
Christus solichs geheysen/so ist es recht. **A**ber Christus
hat wol solichs verdāpt/vnd solichē mēschen vorgesagt
die straff ewiger verdāniß. darūb /dz sye vnd dem schein
des langē gebetts/vertzertē die gūter der einfeltigen witt
frawen. **S**o du mir aber sagest /du müßest solichs thūn/
von wegen der gehorsame. So sprich ich /das soliche ge
horsamkeit ist euāgelisch vnd christēlich /gleich wie dein
armūt ist. **D**añ ist es christēlich das ein voller fordert vō
einē hūgerigē/ein reicher von einē armen/so ist soliche ge
horsamkeit auch christēlich. Christēliche gehorsamkeit
ist/dz ein mēsch einem yeglichen mēschen zū willē werd.
als Christus spricht. **D**ñi petēti te tribue. **S**o ergibt sich
ein mūnch in die gehorsamkeit eines einigen mēschen/dz
er vnder jm genūg hab on sorg vnd arbeit/vnder welichē
em er auch nit genūg thūn mag euangelischer gehorsam
keit. vñ also übertrettē wir gottes gebott vō wegē mēsch
licher erfindūg. als auch die juden thertē. **W**ie ist es dan
ein ding mit den aller geytigstē saugwürm in den fürsten
klōsterē. Die phariseer v̄ juden werdē vffersteen mit disē
geschlecht/vñ sye verdāmen am nūngsten tag.

So sprach zū jm sein herr. **E**y du
gūter vnd getrewer knecht.

Warumb diser knecht genennt werd gūt vnd getrew/
magstu genūgsam wissen vß den obgesagten worten von
dē erstē knecht. **D**añ es würt hye angezeygt das lob des
glaubens vnd der werck/in den heyligen beichtigern ge
sehchen vß gott.

So du getrew gewesen bist in wenig
em/so wil ich dich setzen über vil.

Uber das oben gesagt ist vō diesen wortē / soltu merck
en hye/das die gūten werck nit vffhören im himel in dem
liebē heyligē/sonder erst recht anfahē. **D**ñ also geschicht
es /das einer gesetzt würt über vil vnd grosse werck in dē
himel/der hye gewesen ist getrew vff erdē. Also habē wir
im büch der heimlichē offenbarūg von den seligē seelē/
das sye rüwen sollen von irer arbeit/aber ire werck sollen
jn noch folgen. Gleich als ein vßgemacht bild nit meer
leidt die machend hand des werckmeisters/sonder es rü
wet von aller arbeit des leidens/twiewol sein recht werck
der belustigūg die es macht in den ansehēden / erst recht
anfahet. **E**s ist vast gleich das eyempel von dem bild in
allen dingen. Das bild hat sich zū dem ersten nit ange
worffen/es ist geschehen vß erwelung des malers. Dar
nach ist die arbeit des bilds nit anders deñ ein leidūg der
machendēhandt des malers. **I**re das bild würt gemacht
zū lust den anderē. **D**ñ so es lust macht/ so würt solichs
verdäckt dem werckmeister/ vnd nit dem gemaltē werck.
Dñ gāz kein eygēnutzigkeit würt erfundē in dem bild so
es die anderē erfrewet oder belustiget. **U**nd die recht be
lustigūg facht erst recht an so es vß gemacht ist ic.

Gang yn in die freud
deines herzen.

Uber das oben gesagt ist von diesen wortē /will mich
bedunckē/ sye bedeutē auch die nähē des iüngsten tags/
das er bald kōmen sol noch der zeyt diser rechnung / die
ich acht als einē vorschatten der gemeynē rechnung der
ganzen welt/die do gehalten würt öffentlich von Christo
an dem iüngsten gericht. **D**ann also finden wir in der ge
schriffte /das dise ding die yetzund geschēhē /sollen erfüllt

werden in den allerletzen zeitrē der welt. Dañ also heyße
vns Christus vfferhebē vnser hāubter / so wir sehen alle
dise ding / vō wegē / dz nahe ist vnser erlöfung in 8 wir
sollē yngon in die freud vnser herren. Er gibt vns auch
die gleichniß des feigenboums / als so die augen herfür
wachßen (spricht er) so wisset ir das es nah ist dem sum-
mer. Also wann ir sehen werden dise ding geschehen / so
wisset dz nahe ist das himelreich. doch weyß kein mēsch
vō der bestymptē zeit. das ist / Niemāts weyßt wie vil tag
oder stund noch darzū seyen. wiewol wir wissen das die
zeit nah ist. Aber als Petrus hat geweyßsagt / so müßz es
also sein / das in disen letzten zeitrē seyen verspotter solich
er ding / die do sprechen sollen. Wo ist sein zükunfft: wo
bey weyßtu solichs: was geschicht dañ yetzū dz vor auch
nitt solichs geschehē sey: der Antchrist müßz vor kōmen.
Melias müßz vor kōmen vñd Enoch zc. Aber in disen
menschen würt erfüllt werdē der spruch des herren von
dem end der welt / das er vergleicht den tagen Noe / vñd
den tagen Loth.

S Do gieng auch hyntzū der ein
pfundt hett entpfangen.

Wie willig das herfürkōmen sey des bößen knechts /
das erfahren wir vñd sehēt es vor augen. Der do übel hā-
delet (spricht Christus) der scheücht das lyecht / vñd kōpt
nitt gern herfür. dz seine werck nitt gestrafft werdē. Aber
die zeit ist kōmen. Es müßz herfür / das man sehen müg
seinen glauben / seine werck / vñd seinen gewiñ. Vñd zū
dem ersten wöllē wir acht haben seines glaubens den er
anzeygt in seinē reden. Dañ wie er redē würt / also glaubt

S Vñd sprach. ser auch.
Ein mensch redt mit mund zū dem anderē. Aber gott
dem herren redt nitt der mundt / sonder das hertz. Der dz

hertz sycht/bedarff nit des müds. Das sag ich darüb/dz du merckest/wie in diesem gericht gottes eröffnet werde die heymlicheit der hertzen. vnd das du dich nit kereest an der Papisten red/so sye mit mund sprechen. Ich glaub in den heyligē geist. ein heylig chrislich kirchē. gemeinsame der heyligen. ablassüg der sund. Dieses alles bekennē sye mitt dem mund/vnd mit dem hertzen verleucknē sye dieses alles/als wir noch eināder hören werde/so sein hertz redt vor dem gericht gottes.

Werr.

Du müst acht haben aller seiner wort. Dañ hernach würt er in bekennē einē mēschen. das du klärlich sehest/was glaubēs v̄ Antchriſt sey. Ich wüßzt (würt er sprechen) das du bist ein hart mensch. Er ist nit ein heyd/ auch nit ein jud. dañ er bekenet den herren der Apostelen v̄nd beichtiger. Er bekenet das er sey gott vnd mēsch. vnd in diesem stuck ist er besser dañ ein jud. Dañ der jud bekenet Ihesum einē mēschē/aber nit einē herren. dañ er glaubt nit das gott sey mensch wordē. Darumb bekēnet er gott einē herrē/aber nit einen mēschē. Aber diser böß knecht bekennet Ihesum einē herrē / vnd bekēnet auch gott einē mēschē. das du syhest das er ist ein chriſt/der do bekenet das Jesus sey warer gott v̄n warer mensch. Darumb so soltu merckē/das der hertzlich chrislich glaub kurzlich begriffen würt in dreyē wortē. Almechtigkeit. Weißheit. Gütigkeit. Das ist Vatter/Sün/Veyliger geist. Das erst wörtlin Almechtigkeit/bekennē mit vns die juden. Dañ sye sprechen mit vns. Ich glaub in Gott den almechtigē vatter/der ein schöpffer ist des himels vnd der erdē. V̄n hye bleibt der jud still ston. dañ er spricht vns nitt weiter noch. Aber der Papist geet weiter mit vns/vnd bekennit mit vns das ander wörtlin Weißheit/oder Sün. V̄nd

Das ist auch dz stuck darinnē er besser ist dan d̄ jud. Dañ er spricht mit vns. Vnd in Ihesum Christū seinen eingebornen sūn zc. Aber in dem dritten wörtlin/erstocket er vñ bleibt hinder vns / als der jud in dem anderen wörtlin. Vnd wiewol er solichs theur vñ hoch leügnēt / so ist im doch nit anders. dan̄ du müst nit acht habē vff seinē müdt. Er weyssst selbs nit was er sagt. du müst hōrē sein hertz reden in diesem gericht gottes.

Ich wüßst.

Syh zū/er weysszt. Er ist seiner sach gewißz. in müßz man setzen in das Conciliū über die sach des glaubens: dan̄ er hat studiert vff den hohē schülen/darumb weysszt ers demonstratiue/ob schon Paulus anders leert. Paulus sag was er wöll/ ja Christus sag was er wöll. Er hat also gelernet/daruff bleibt er auch.

Was du bist ein hart mensch.

Die juden sprechen starck vñnd vest /sye glauben alles das in irem gesatz beschriben werd. Es bedunckt sye also. Dan̄ in irem gesatz ist begriffen d̄ glaub Ihesu Christi der ewigen weißheit gottes / in welchem beschlossen seind alle schätz (als Paulus spricht) der kunst vñd weißheit. Das selbig glaubē nit die juden. Also bedunckt die Papisfen auch das ir glaub ganz sey: aber sye irren von dem waren Euangelio d̄ gütigkeit gottes/erkläret durch Paulum. Dan̄ Paulus leeret in seinen epistelen /wie gott so ganz gütig sey / das er sein genad vor allem verdienst verleihē / vñ die sünd vergeb vor allem werck/es sey des hertzens/ als rew vñd leyd habē über die sünd: oder des munds/als beichten/oder wie es yemer geschehen mag. So wir nu solichs Paulo nach leeren/so schreien die Papisfen über vns/als die vnßynnigen juden zū derzeit der

Quo? papiste negant Christū et spm̄ sanctū.

anfanglichen kirchen schryen über die iünger Christi.
So sye nu soliche offentliche vnd erklärte gütigkeit got-
tes verleüchnen / was thünd sye anders / dan das sye ver-
leüchnen den heyligē geist / welchem sanct Paulus gibt
das werck v̄ gerechtmachüg vor allem verdienst. Gleich-
als diser verleüchnet Christū / der nit glauben wöllt das
er sey vnser erlöser / so er schon glaubte das er sey gott vñ
mensch. Also auch hye. wiewol die Papisfen glauben / dz
der heylig geist sey eines einigen göttlichen wesens mitt
dem vatter vnd dem sūn / so verleüchnen sye ih̄ doch gätz /
so sye nit glauben seinem werck der aller gütigsten vñnd
aller genadenreichsten gerechtmachung. Das seind die
menschen die iren herren halten für einen harten menschen-
der nichts geb / es sey dann vor durch werck erkauft.
Weysszt das nit offentlich verleüchnet die genad : Dann
gnad ist kein gnad (spricht Paulus) so sye verdient würt.
Weysszt das verleüchnen der genad / nit ein verleüchnen
der gütigkeit gottes : Weysszt das verleüchnen der gütig-
keit gottes / nit auch ein verleücknung des heyligen geistes
des gebers v̄ genad : Weysszt dz verleückē nit auch ein ver-
leücknē des verdieners v̄ gnad Christi Ihesu vnfers her-
re : Syh zū lieber mēsch / ob nit die papiste seyen eygēlich
die mēschē von denē Petrus hat geweissaget / das sye wer-
den verleücknē den herrē der sye erkauft hat. Dan die Pa-
pisten verleüchnen das kauffen Christi mit hertzen / so sye
sich selbs wöllten erkauften mit irem rew vñnd leyd hab-
en. Vñnd was spricht Johannes. i. Johan. ij. Welicher
verleücknet den sūn / der verleücknet auch den vatter. Vñ
mensch / o lieber mensch / thū vff deine augen / vñnd syhe
wie du keines Türcken oder Juden warten solt als ein
nes Antchristis. Zweifel nit zū werden ein martyrer des

heyligē geiste / durch die verfolgūg der synagog des teufels / die sich nēnen die kirchen gottes / ob schon das sybē haubtig thyer anbetten die künig der erdē. Dañ furwar sag ich dir / würstu es anbettn / so würstu trincken von dē kelch des ewigē fluchs. Dañ bey gott dē ewigē schöpffer / so ist das Papisische reich das einig eygentlich reich des eröffneten Antchriſts / welichs den ganzen glauben hat umbgestossen vnder einem grossen schein des glaubens / der dich betreügt / das du wilt wānen / der schein sey der glaub. Es ist leyder wol erfüllet wordē die weissagung Danielis. Et prosperabitur dolus in manu eius. c. 3.

SDu schneidst do du nit hast gesäet.
Gott dem herren mag kein werck gefallen / es sey dañ erwachsen vß seinē eygnen somē. Der som gottes ist auch nichts anders dañ die liebe gegossen in die hertzen durch den heyligē geist. als Paulus spricht Roma. v. So nu ein werck nit geet vß diesem somē Christi / so mag er auch dz selbig nit annemē. Dañ dieweil die lieb ist die seel vnd dz lebē eines yeglichē wercks / so ist ein solichs werck todt / es schein vor menschlicher vernunfft wie es wöll. Also hat gott einē vnwillē ab allen wercken die do nit sind erwachsen vß seinē somē. So weit ist von der warheit das Antchriſtisch glauben / das got schneid do er nit hab vor hyn gesäet. Iber gleich als er vor hatt verleücknet den geist der kirchen gottes / also verleücknet er yetzund iren leib. Weyßzt das nit verleücknet die heyligē chriſtlichē kirchen (weliche Paulus nennet den geistlichē leib Christi. i. Corin. vii.) so die papisisch kirch glaubt / dz got schneid do er nit hab gesäet. So hör ich wol / es ist vsserhalb des geistlichē leibs Christi auch ein geistlich leben / das sich mag bewegē vnd gnad süchen / oder lön. Ist nu das war

Oz papiſte etiā negat ſentētā eulog.

28.

(als dann die teüfelischen fälscher aller warheit Gottes bekennen) so mag ich die genad gottes finden on die kirchen/vnd on iren geist/durch mein bereytung / die mich leeren die Papisten. Vnd also ist mir die kirch nit not vor der genad gottes. Ist sye mir nu nit not vor der gnad gottes/so ist sye mir vil weniger not noch der genad gottes. Dann so ich hab den gunst oder genad gottes/ was bedarff ich weiter. Meysszt das nitt offentlich verleucknet die heylig christenlich kirch/so heysszt das auch gott nit verleucknet / so ich sprich/ Ich bedarff gottes ganz nichts. **S**yh lieber mensch/das seind die dieb vnnnd mörder/ die zu einer anderen thür yngeend dan durch Christum. darumb thünd sye nichts anders in der kirchen gottes / dan seelverderben. Dann es ist der vnlust der verderbnis die wir sehē steen an der stat gottes mit irem künig dem sünd der verderbnis. Aber alles das die vnseligen menschen thünd wider die heyligē kirchen/das zeyhen sye vns: als die bößwicht neñeten Christum einen bößwicht vor Pilato. Dann also sagen die Papisten von vns/wie wir verleucknen die heyligen christenlichē kirchen. Aber die heyligen christenlichen kirchen nennen sye/allein die leiblich vnd sychtbarlich versamlung der Cardinal vnd Bischöffen vnder dem Paps. Dann ob schon ir keiner heylig wer/so müßzt es doch sein ein heylige versamlung. Vnd ob sye schon nitt von heyligen dingen handelten /sonder von merung ires gewalts vnd reichtümbes /vnd wie die geschriffte gefälscht werd/dānocht so müßz diese heylige versamlung alweg habē den heyligen geist/vnd der heylig geist müßz es alles gethon habē. Verflücht sey in abgrund der helle yemer vnd ewigklich der das leeret. Dan die heylig christenlich kirch/ist ein geistlich versamlung/vnd ir einigkeit oder bandt müßz man glauben/vnd nitt

sehen. Darumb sprich ich nit/ Ich syh ein heylig christe-
lich kirch. welichs ich dann sagen möcht / so der falsch
schein der Papisten von der kirchen war wer. Ich sprich
also. Ich glaub ein heylige christenliche kirchen. Das ist
so vil gesagt. Ich beken die heylig christenlich kirch/
nitt sey ein sychtbarlich ding / sonder ein geistlich ding.
Dann der glaub Christi (in dem ich beken Christum wa-
ren gott vnd warē menschen meinen erlöser vnd der gā-
tzē wellē) ist ein geistlicher felsē. darumb müßz auch dz
gebeuē geistlich sein. Caro non prodest quicquam. So
ich beken diesen felsē/ so biñ ich daruff gebawen. Vñ
so einer zū Rom bekennet diesen felsē/so ist er auch dar
uff gebawē. Vnd so wir zwen vff einem einigen felsē
steen/so seind wir ye vereinigt/wiewol er ist zū Rom/vñ
ich zū Cronenburgk. Dañ diese einigkeit würt nit ermes-
sen noch der statt / sonder noch dem geist / der vns beyd
vereinigt mitt seinem geistlichem vnpsychbarlichē band
des geistlichen lebens / in Christo vnserem haubt vñnd
felsē.

Und samlest do du nit
hast hyn geworffen.

Wir wissen wie die Papisch kirch spricht vñ glaubt
von den iungen knderen/die do sterben gleich nach dem
tauff. Die iungen kinder werden selig/so sye sterben nach
dem tauff von stüdan/allein vß dem verdienst des leidēs
Christi. Frag du nū einen Papisten/ vß was verdienst sel-
lig werd der zū dem gebrauch seiner vernunfft ist kom-
men? So spricht er. Er würt auch selig vß dem verdienst
Christi/aber müßz auch eygen verdienst haben. O der
gottseßterung. Ergo Christus minister peccati: So hör
ich wol/der verdienst Christi hat einen mangel / vñnd ist

vnvollkommen in den seligen. Syhe lieber mensch / das
 seind die guten christen die vns ketzer schelten / gleich als
 die judē Paulū. Ich hoff du merckest wie Christus in di-
 sen worten des bößen faulen knechts / den glauben des
 Antchrissts so eygentlich eröffne. Du samlest (spricht er)
 do du nit hast hyngeworffen. Was ist dz du lieber bapst/
 das Christus also samlet das er nit hat hyngelegt: Ant-
 wurt des Papisten. Christus samlet vnser eygene gute
 werck/die er wil belonen im himel. Sag nu /ob das nit
 heysz verleücknet die gemeynsame der heyligen. Waben
 nit all heyligen ein einige gemeynschafft in Christo/also
 das sye all miteinander allein habē ein einige gerechtig-
 keit/ in der sye gerecht seind/vnnd heylig/das ist die lau-
 ter gerechtigkeit Christi die jnen allen genüg ist / in dem
 sye leben vnd alle völle habē alles mögliche verdienste:

Aber als die Papisten oben haben verleücknet den geist
 vnnd den leib der kirchen / also verleücknen sye hye das
 leben der kirchē/so sye hersürzwehen das vnser/das doch
 nit anders gesein mag dan böß/ als vil es vnser ist.

*De papist
 etia neg
 sanctoru
 vitam/ et
 comunitat*

S Darumb forcht ich mir.

Es geschicht diesem bößen knecht gleich als einem
 knecht der einen harten vnd zornigen herren hat/ der selb
 big spricht in jm selbs. Ich kan meinem herren nit recht
 thun/was sol ich dan anfahen: Vñ also würt er vnlustig
 in aller seiner arbeit/vnd lasszt also vil ding vnderwegē/
 die er thät/so er wüßzt dz es seinē herrē gefiel. Also klagt
 hye dieser böß faul knecht. Er spricht. Ich förcht mir.
 So er gefragt würd warüb er jm hab gefürcht/so müßt
 er sprechen. Darüb/das Christus mein herr härt ist. Er
 schneidt do er nit hat gesäet etc. Was ist. Ich wüßzt wol
 das er mir mein sünd nit würd verzeihē/ich hett dan vor

rew vñ leyd darüber gehabt. Darumb gedacht ich also.
Wan ich doch nu wüßst/ob gott mein büßen würd wol-
gefallen/ so wolt ich frölich sein: Oder wann ich wüßst
wie ich die sacht anfahe solt: Oder wann ich wüßst
das mein büßen bestendig blib. Ich weyßz wol das ich
mein sünd büßen müßz. Herz ich wüßts. Ich weyßz ab-
er nit wie groß die rew vnd dz leid sein müßz. Ich weyßz
nit wan od wie ich die gnad müßz erlangē. Ich hab oft
angefangē/ vñ biß allweg wider wendig wordē. Es soll
vileicht nit sein das ich rew vnd leyd hab/oder das ich se-
lig werd. dan ye mer ich mich zwing zū der büßz /ye har-
ter sye mir würt / so würd ich dann gantz überwunden.

Syl lieber mensch hye/die frucht des vnseligen verzwei-
feleten glaubens der Papißten/ die nichts anders ist/dan
die forchtsam vñnd verzweiflet büßz / in welcher der
mensch nit weyßz wie er mit Gott steet / vnd also Gott
nit getrawet. welichs auch warlichen heyyßz / verleücnē
ablassung der sünd. Dan so die Papißtsch kirch vorhyn
hatt verleücket den geist /den leib/vnd das leben der kir-
chen/so verleücket sye hernach auch die würckung des
lebēs. dz ist/die nachlassung der sünd. welichs verleücket
sye gar mit einē grossen schein bedeckt/das sye bekennt wie
gott alle sünd mög nachlassen/vnd lassz auch vilen men-
schen oft vnd vil nach ire sünd. Vnd also will sye wān-
en sye glaub disse artickel gar starck. Aber du solt wissen/
das in der teufel auch also glaubt/vnd hatt doch von so-
lichem glauben keinen nutz oder kein frucht. darumb kan
solichs nit sein der gerechtmachend glaub. D teufel würd
sunst auch gerecht. Aber dan ist er gerecht/ so du glaubst
das in dir yetzund war sey worden disse artickel. das ist/
Du glaubst das in dir geschehen sey nachlassung deiner
sünd. So du also glaubst/so ist im auch also / es sey mitte

papist
negati
toru
nssione

des.

deinem rew vnd leid haben wie es wöll. Dañ gott rein-
 igt das hertz durch den glauben / spricht Petrus Actoru
 xv. Der glaub kan dir auch nit fälen: dañ Gott thüt die
 noch deinem glauben. Dieser glaub erfremet das hertz/
 das es lustig würt vnnd willig zü allem gütten. Dieser
 glaub müßz dich auch gott ergeben an dem letzten end.
 Er müßz dich willig vnd gehorsam machē zü dem tod/
 das wissz frey. Aber die subtilen prediger der verderbnis
 haben vast ein geschickte weys mit deren sye die mensch-
 en weisen vff die liebe Christi. Dañ sye schreyē oft / das
 vñ das ist todsünd: Du bist des teufels: Du bist im zorn
 gottes. vnd des gleichen. Also leeren sye vns begeren der
 freuntlichen vnd lieblichen zükunfft vnseren herren Chri-
 sti / das wir ab im erzitterent als ab einem harten zornig-
 en tyrannen / der vns lieber ist weit oder ferz / dann nah.
 Es bedunckt sye wol vnd recht geprediger sein vß der ge-
 schrift / so sye leeren das der mensch nit wissen mög ob er
 sey in der gnad oder vngnad gottes / in der liebe oder in
 dem hassz. vnd die groben dollen vnbesynten menschen
 haben nit so vil bescheidenheit / das sye mercken / wie sye
 wider disse leer selbs reden / so oft sye sprechē / das vnnd
 das ist ein todsünd. Welichen solt das eselisch verfüren
 der edlen seelen nit verdriessen: Das seind die hochgeleer-
 te / die mein Sebastianus Rapp habē will für richter im
 Concilio. vnd was sye beschliessen / das will er halten / ob
 es schon were wider einen spruch der heyligē geschriffte.
 Dañ ein einiger spruch der heyligen geschriffte ist disem
 menschen nitt genüg zü bestätigen ein sach. Er spricht.
 Das ist erst ein spruch. Existimasti inique / quod ero tui si-
 milis. Ich höz wol / gott müßz dir schweren ein eydt. Vi-
 leicht darumb / das man dir auch nit gleich glaubt. Aber
 das man dir nitt gleich glaubt / hatt vsach / die du selbs

Sebastianus
 Rapp
 p. mag.
 papiste

weyßt/ vnd die dich kennen. Aber mit Gott ist es ein
ander ding. Ich warnen dich lieber mensch das du dich
hütest vor dem höfel dieser phariseer. Dañ so das freunt-
lich vertrauen in Christum so erschrockenlich würt an-
gefochten an dem todtbett von dem teufel/der vns dann
auch angreiff das schwert mit dem wir vns solten we-
ren/ich geschweig der anderen sorgsamkeit / also das vff
dem vertrauen zü Christo kaum besteen mag einer der
gleich wol geübt ist in erkantniß Christi/ vnd wol weyßt/
das kein sünd dem menschen gerechnet würt zü der ver-
damniß/oder zü straff/sye sey wie sye wöll/so bald er sich
würfft in solichem vertrauen vff Christū. So nu (sprich
ich) ein solicher mensch von seltsamkeit wegen teufelisch-
er anfechtung im sterben kaum besteen mag vff dem ver-
trauen in Christū /wie will denn besteen ein mensch vor
der vngestümigkeit dieses wetters /d sich hat voll getrun-
cken bitz zü räppischer vnsynnigkeit/ mit dem verzwey-
feleten tranck der Babylonischen hüren/ mit dem sye ge-
trenckt hat die gantz welt:

S Vnd biñ hyn gegangen.

S Vre bekennet er die frucht seines glaubens. das ist der
verdrußz in güten wercken/in welchē er ist hyngegāgen
als ein verzweyfelter/vnd hat vergraben das pfund sein-
es herzen in die erden (als hernach volget) Dann dieweil
er gewüßzt hat noch seiner falschen kunst / das Christus
so hart sey/so hatt er keinen trost erlangen mügen vß den
süßen Worten/von götelicher genad / sonder er hatt ge-
sprochen/man verstand sye nit.man müßz sye nit verstou-
noch den Worten/sonder man müßz sye vßlegen.das ist/
vergraben. Aber also seind nitt hyngegangen vor im die
zwen güten knecht,dann der selbigen hyngeen/ist gewes-

sen im glaubē der gnad gottes in einem lust gāts zū wūr-
cken gegen allen menschen.

S Und hab vergraben dein pfund
in die erden.

Merck wie der böß knecht redt vff seinē glimpff. Dañ
oben hastu verstanden wie er das pfund hab vergraben
vnd verborgen. so geschweigt er des verbergēs / vnd vers-
pricht sich mit dē vergrabē. gleich als ob er also spräch.
Ich hab mich üben müssen in yrdischē künsten / vß den-
en ich dein wort überschütt hab mit gloßen aristotelisch-
er subtiligkeit. Singula iuuat. Die heydenisch künst mach-
et die christē auch geschickt. Verū vero cōsonat. Wā kan
gūt anleytung geben vß Aristotelis leer vff alle ding die
man wissen soll. Was soll mein gnad fraw on ein magt.
die yrdisch kunst dienet doch der himelischen kunst. Ich
hab oft erfare wie mir Aristoteles so wol hatt geholffen
zū vßlegūg deiner geschriff / in welcher man deine wort
müssz anders verstecken dan du sye gesprochen hast. Vnd
wiewol vß solicher vßlegūg volget das du falsch seyest /
gleich als ein mensch der mit mund redt das er nitt hat
in dem hertzen / so bedürffen wir doch des selbigen nitt
achten. Dann du sprichst im Euangelio Johannis. viij.
Ego gloriam meam non quero: Ich binn nitt eergeytig.
So du nu nitt süchtst dein eer / so ligt dir nit vil daran / ob
wir dich schon mit vnser kunst machen zū einem lugner.
Auch schreibt Paulus vil ding die offentlich seind wider
dē Aristotelē. Nu ist Aristoteles älter dan Paulus / darüb-
müssz man nit gleich vß dem altē glaubē fallē von sanct
Pauls wegē. Wā müßz sāt Pauls vßlegē / vñ nit gleich
so bald verwerffen den Aristotelē / der do ist ein lyecht in
der natur / wiewol er ein heyd ist. Vñ ob man schon Pau-
lum auch machet zū einē lugner / was schadt das selbigs.

Aristotel
papiste
comedat

Non est seruus maior domino suo / nec discipulus super
magistrum suum. Du sprichst doch selbs / der iunger sey
nit über seinen meister. darumb soll Paulus nit für übel
habē so wir in lügenstraffen / dieweil du selbs solichs vß
vns so gedultig leidest. Wir seind doch die kirch / vñ kün-
nen nit irren / so ist Paulus ein einig mensch gewesen / der
so ganz nichts gewisst oder geleret hatt vß dem Aristo-
tele / das er auch solich kunst verbotten hat zü lernen / als
wir in dan̄ des überweisen mügen vß seinen Epistelen.

Paulus ist ein güt m̄n gewesen. wo er hyn kōmen ist / do
hatt er genüg gehabt. dann er hat sich mit arbeiten neere
mügen. Solten wir die gnad gottes dem gemeynen m̄n
eröffnen als Paulus gethon hatt / so würden die mensch-
en sündē vff die barmherzigkeit gottes / vnd nichts güts
mer thūn mit messzkauffen / mit opfferen / mit ablaß löß-
en vnd der gleichen. **W**o solten wir den̄ essen vnnnd trinck-
en. Neyn / neyn / nit also / man müßt die geschriffte vergrab-
en oder vßlegen / vnd die senfften wort von deiner genad
ein wenig tuncckel machen mit yrdischer vernunfft / die
wir anzeygen so wir leeren beichten vnd büßz würcken.

Aber das man nit gedencck ich hab gesücht allein meinen
nutz / so kan ich rechenschafft thūn / das ich auch dein eer
vnnnd nutz gesücht hab . als du denn wol mercken magst
vß meiner vßlegüg über deine wort / so du sprichst. Kom
ment zü mir all die ir arbeitent vnd beschwärt seind / ich
will euch erleichteren. **D**ye leret mein vßlegüg disse wort
1. also verstō. Ir sollen nit zü mir kōmen : **U**rsach meiner
vßlegung ist zü dem ersten dein nutz. Dann die menschen
hettē sunst ir zulauffen zü dir übermacht / dz du kein r̄uw
2. hettest mügen haben . **F**ü dem anderen hab ich gesücht
et dein eere . dann du weysst wol / so ein herr sich zü ge-
meyn macht seinen vnderthonen / so haltē sye nichts von

3. **Im.** **Zu dem dritte** hab ich gesucht vnd ertredt die eer dein-
 er heyligen/die sunst gantz were zergangen. Dann so ich
 dich vergleichet hab einem weltlichē fürstē der seiner ar-
 men vnderthonē nit achtet/sye haben den einem fürspie-
 chen/so seind sye ab dir erschrocken vnd verzweiflet/vñ
 haben also gesucht die hilff deiner heyligen. Dann wola-
 testu allein allen menschen helfen/als deine wort vßweis-
 sent/wo belib dann die eer der heyligen: Im himel be-
 darff keiner der hilff des anderen. dan do ist ein yeglich-
 er für sich selbs ein herr. also ist auch zū gedencken/ir eer
 müssen sye erholē von vns/dieweil wir irer hilff bedürff-
 en. **Zu dem syerden** hab ich vffgericht die eer deines statt-
 halters des Paps. Dan ich hab gar fleissig gesucht vñ
 erfunden vsach/vß denen ein yeglicher mercken möcht:
 wie man nit zū dir kōmen sol im geist vñ in der warheit/
 vmb genad vnd ablas/sonder gen Rom zū deinem statt-
 halter. welicher also genennet würt dein statthalter: nitt
 darumb das er dein statt innhalt/vß der er dich hab ver-
 triben/als der ketzerisch Luther sagt/sonder vmb grosser
 vsach willen/die ich nit erzelen kan. **Syh** lieber herr/als
 so hab ich gehandelt/vnd hoff ich hab nitt also vnrecht
 als mich der Luther beschuldiget. Dann solich kostlich
 vsach (als ich yetzt angezeygt hab) kan ich geben von al-
 ler meiner vßlegung der geschriffte.

Syhm war/hye hastu
 das dein ist

Der Luther beschuldiget mich / ich hab dein pfund
 verderbt/vnnd daruß gemacht ein Antchristisch gesatz:
 das soll sich niemer mer erfinden. Dann dein geschriffte
 hab ich lassen bleiben/als sye an mich kōmen ist. Ich hab
 keinen büchstaben von dem Euangelio gethon/sonder
 ich hab es bleiben lassen/wie es die euangelisten beschri-

ben habē. Aber das ichs hab vergraben / das beken ich,
dann ich kan des nit leucknen. Doch hab ich groß vnd
redlich ursach gehabt solichs zu thun / als man von mir
vernomen hat. Syh hye hastu das dein.

Do anwurtet jm sein herr.

Mye würt vns weiter bedeytet das vrteyl gottes über
das Antchristlich reich / welichs vernichtet würt mitt dē
schwert der wort Christi / mit welichem ab gehawē würt
der grund / vff dem sich sein verfürischer gewalt / so ein lā-
ge zejt gehalten hat.

Vnd sprach. O du bößer vnd
fauler knecht.

Er nennet jm böß von wegen der mangelüg des glau-
bens / der einig macht güt einē yeglichen boum frucht zu
tragē. Dargegen nennet er die zwen getrewē knecht güt
(als oben gesagt ist) von wegen des rechtē glaubens den
sye hetten. Er nennet jm auch faul von wegen der mänge-
lung güter werck. Dann ein bößer boum mag nit bring-
en güte frucht (spricht Christus) sonder allein bletter euff-
erlicher oß betriegeder gerechtigkeit / noch bedeytniß des
feigenboums den Christus verflucht an dem weg.

Hastu gewüßt das ich schneid do
ich nit hab gesäe / vnd sammel do
ich nit hab hyn geworffen.

Dieweil du so wol gewüßt hast vō meiner hartigkeit /
in erforderung der werck des gesatzs / noch inhaltüg et-
licher sprüch der geschriff / mitt denen du dich beschö-
nest. warumb hastu nitt auch gewüßt von meiner gütig-
keit / in verheissung vnd verleihung meiner genad / zu er-
füllung des gesatzs / dieweil du noch dise zwey ding bey-
eināder gelesen hast in meinem pfund der geschriff: Du
wissest was du wöllest / das weyss ich / das ich hab vff-

gericht ein neu gesetz/das ich hab genēnet ein süßz joch/
vnd ein leicht bürd: welichs auch mein vßleger Paulus
hatt erkläret vnd vßgestrichen noch allem vorteyl mit off-
entlichen sprüchen. Aber du hast wöllen kläger sein/vnd
hast es vertückelt mit deinem erdichten gesetz des beicht-
ens vnd büßsens/das ich dich nit hab geheissen insetzen.
Aber dein mütwill müst das süßz saur machen / vnd die
menschen überreden / das saur wer süßz. Dich mag hye
nichts entschuldigen. **D**añ hastu schon gefunden ertlich
sprüch von mener strengē gerechtigkeit/hast du darumb
müssen verwüsten vnnnd verbergen die sprüch meiner ge-
nad vnd gütigkeit:

Warumb hastu mein gelt nit über-
geben den wechßleren:

Warumb hastu dir nit lassen abwelchßlen gegeneinā
der die sprüch meiner geschriff/ die noch deinē verstande
seind widereinander: das du also nichts hettest bedürff-
en in meiner geschriff vergrabē / verbergē/vñ hynwerff-
en/sunder durch zūsamenhaltüg solicher sprüch von den
wechßleren (von mir zū solichem erwelt) hettestu mügen
leichtlich verston/wie in meiner geschriff kein spruch dē
andren hinderet/sunder vil mer fürderet/ so sye gegen ein
ander abgewechßlet werden durch die wag/ derē die du
wol ettwan gemerckt hast in der kirchen/weliche von dir
erforderten das pfundt der geschriff/ab zūwegē das sel-
big noch seiner schwere vnnnd seinem werdt. **D**er selbi-
gen hast du ertlich verbannet/vnnnd ir ertlich verbrennet.
gleich als ob sye weren gewesen falsch müntzmaker/vñ
dein stym war alwegē. Das pfund ist mir gegeben. Die
vßlegung der geschriff gehört mir zū. **D**ann du besorg-
test alwegē des nachteyls vnd abgangs deines üppigen

prachts vnd teufelischer reichthumb/wider welches das
Euangelium lautet. Darumb erschrocktestu/alle die sich
disses wechsels wolten annemen. Werdestu aber diese ar-
beiten lassen/ als du hast lassen arbeitē die vergraber vnd
verberger meines worts/

So hett ich yetzund das mein
entpfangen so ich kommen
binn mitt wücher.

Du hast es doch gantz verdunkelt mit deinen arbei-
teren die in deinen sack gearbeitet haben / vnnnd meine
wechseler verhinderet / wie solt es dann nutz oder ge-
winn getragen haben: Dann soll es geistlichen wü-
cheren oder gewinn bringen in dem hertzen der men-
schen/so müßz es vor erkant werdē. Vnd wo es recht
erkandt würt/do kan es nit feyren. Diesen gewinn
hastu nu verhinderet/vnd bist schuldig an vn-
zalberlichen seelē /die du verderbt /verfürt/
vnd verwüst hast /durch dein Antchristi-
sch/teufelisch /verfürisch/ vnd ver-
derbents regiment. Vnd also
hast du gewüstet in meiner
Kirchen /das der gleich-
en alle Türcken/hey-
den vnd judē het-
ten thün mü-
gen vff keins
en weg.

Vnd also feret sich nu der herr von
dise[m] knecht v[un]d spricht.

Mement von im das pfundt/vnnd gebent es dem
der zehen pfund hatt. Dann einem yeglichen
der do hatt/dem würt gegeben/vnnd er
würt haben überflüssig. Aber
der do nit hatt/dem würt
genommen auch das
er hatt noch

Mundabitur ————— won. ————— **S**anctuarium

Vnnd den
vnnützen knecht den
werffend hynuß in die
eüßeren finsterniß. do würt
sein weynen vnnd zanklassen.

Was dieses alles sey/werden wir
in nachfolgender zeyt wol ins
nen werden. **D**ye mit
Gott befolhen

[Faint, illegible text bleed-through from the reverse side of the page]

Ich bin das lycht des
welt. Johannis. viij.



Wen ir sehen werden den wüsten greuel/welicher ge-
weiffaget ist von Daniele dem prophetē/das er steet an
der heyligen statt. wer das liest/8 merck daruff. 2c. Mat-
thei. xviii.

Dimel vnd erden werden zergeen/meine wort werden
aber nit zergeen.

Dn vsach haltē vnd lernen sye leer vnd gebott der mē-
schen. Matthei. xxv.

Gott ist die liebe. die liebe frucht des glaubens. der vn-
glaub sünd.

